

集部

銀定四庫全書 集部

總枝官編修臣王熊緒

詳校官監察御史日查善長

檢討臣何思的覆勘

校對官學正日周 腾绿监生 日李致祥

鉱

; 我在我的 经经济 1... 内约給則民 一直を言いる語言によい 在建一門 門門 門門 門門 意のなるとは 包足正案调彩 谷非職 田之過岩從而廢罷則 下幕職州縣官三班使臣 **广無蠹於生民** 撰

吏衣食不足廉者復濁何以治化天下受弊必如臣言 足今物贵與昔不同替罷之後守選待闕動踰二年官 天下郡縣至家吏役至繁奪其農時遺彼地利是以邊 除復便請給當時條例未密士寥廉隅雖無職田自可優 俸機禄薄全籍職田濟贍其無職田處持康之人例皆貧 乞深加詳軫不以一時之論廢經遠之制天下幸甚 窘曩時士員尚少凡得一任公五六年方有交替到閥即日差 奏減郡邑以平差役天聖八

金定匹库全書

老一三十月日

廪或窘民財未 豐臣觀漢光武朝併合四百餘縣 吏職 是使堪役之家無所休息以臣管見其河西縣宜併 差到緣鄉村中等户只有一百三十户更於以下抽 本縣尚差公吏三百四十人内一百九十五人於鄉 减損十置其一 1. 17.2 1.1. 令以寬兆民如河中府倚郭二縣惟河東縣主戶四千 河東及大名府縣分極多甚可省去或謂縣邑之中 不致逼迫河西縣主户一千九百内八百餘户屬鄉村 今欲去煩苛之吏致富壽之俗當施此 **范文正集關係** 

所貴吏役稍減農時不奪地利無遺民財可阜也 中乎當塗縣主簿兼嘉祥縣尉溫宗賢等状稱往諸 臣昨到太平州界體量安撫本處檢會廣德軍判官錢 供糧米每歲六百萬石至於府庫物帛皆出於民民於 去翅足和野菜合麦食别無虚妄者臣竊思之東南上 檢旱竊見貧民多食草子名曰烏昧并取蝗蟲曝乾 封進草子乞抑奢侈明道二年七月公時為

一致定匹庫全書

椎酤斛征之利臣謂所廢之縣止可為鎮而坊市仍舊

饑年穀食如此國家若不節儉生靈何以昭蘇臣今取 こうし 臣竊見邊上將師常患少人今高繼嵩幾亡人 特降進止則天下幸甚 難仍乞密下裁造務後苑文思院糧料院檢祖宗之朝 前件草子封進伏望宣示六宫藩戚庶抑奢侈以濟 每歲用度之費數目比於今時則奢儉自見伏望聖慈 奏乞督責管軍臣察舉智勇之人康定元年 **yt**] 范文正集補編 情頗駭

路又闕勇敢之將國家奄有四海未必乏才豈天地生 恐鎮戎不能守禦却須藉朱觀往彼朱觀既去則郡 其膽各出眾便可選轉於邊上任使如將来順立戰 智勇之人各舉一名不以將校長行或試以武藝或觀 方得將名伏望聖慈專督管軍臣寮等於諸班中挖羅 得進用坐至衰老只如朱觀元是軍班出身因歷邊任 班必有勇智之人多被管軍臣察人員等遞互彈壓 人厚於古而薄於今蓋選之未精用之未至今諸軍諸 延

欽定匹库全書

則明賞舉主或屢敗軍事亦當連坐所責諸路漸次得 遷擢 西北二方將即之闕實非 聞昨賊界投来山遇當在西界掌兵言其精兵發 致頻有那移免使戎狄謂大國乏才愈增縣氣况 論夏賊未宜進討 奏 取正月 定元年閏 上 包之三十二十五 卣 細事乞國家常為預備早加 進 慶悪 月 使知廷 西贼故公上此韶郡延淫原丙 西贼 州 為

地自守既不能獨禦賊鋒又不能併力掩殺彼得其便 繼為邊患其屬劫生口牛羊亦不曾追奪故安然往來 黄世寧在保安軍每日訓練及令西路巡檢劉政在 東路巡檢駐軍延安寨其西路亦委王信張建侯秋青 如蹈無人之境今延州東路合堤防之處已令朱吉 界合合枪擊若數路並入且 併東力樂敵或破得一 青暴張宗武在政縣密令分布兵馬候賊奔衝放令 八萬餘皆老弱不任戰鬪始賊隶深入蓋為官軍以分

欽定匹庫全書

即便邀擊别路其環慶路已遣通判馬端往報總管司 令正月內起兵則軍馬糧草動衛萬計入山川險阻之 士馬大馬攻守全勝之策非馬小利而動如重兵輕舉 其勢則易制及可擾其耕種之務縱出師無大獲亦 令一 地塞外雨雪暴露僵仆使贼乘之所傷必衆况鄜延路 至有他虞自劉平陷没之後脩城壘運兵甲積糧草移 已有會合次第不患賊先至也賊界春暖則馬瘦人飢 一如鄜延路設備如此則可以乘勝而破賊也今須 . J. . 色文正集市漏

勝主曰無戰必戰可也戰道不勝主曰必戰不戰 萬一 前俟春暖舉兵尤未為失策且元昊稔惡以来欲自尊 族帳蓋與今来時月不同非前勇而後怯今若承順 臣昨於九月未至鄜延路便遣葛懷敏朱觀入界掩襲 **肯不能持重王師為後大患雖加重責不足以謝** 大必被奸人所誤謂國家太平日久不知戰鬪之事又 謂也尚自今賊至不擊是臣之罪也兵法曰戰道 一有失將何繼之則以關朝廷安危之憂非止邊患 可也 天下 必

欽定四庫全書

聚落如白豹之功官軍既退戎類復居狼心重報增 以恩意歲時之間或可招約如先行攻掠恐未能擒 路蕃漢之人頗相接近顧朝廷廣天地包荒之量存 亦造人探問其情欲通朝廷柔遠之意使其不僭中 邊鄙漸的度其已失本望况已下敕招攜族帳首領 之號而脩時貢之禮亦可俯從今鄜延是舊日進貢之 路令諸將勒兵嚴備賊至則擊但未行討伐容臣示 臣 此

Contonal Lilia

記文正集補編

謂邊臣無備所向必破所以恣桀慢之心侵擾不已今

怨毒邊患愈滋無時敢暇若天兵屢動不立大功必 爲 擇其要害而舉之屯田管田作持久之計如此則横 恐是平定之一 相見於界上臣所以乞存此一路者一則懼春初盛 夸狄所輕臣又近召張亢到延州熟議亦稱願與戎 即奔寫則是去西賊之 带蕃漢人戶去昊賊相遠懼漢兵威迫可以招降或 氣愈怯二則恐隔絕情意偃兵未期若施臣之鄙 端尚歲月無效遂舉重兵取綏宥二 臂拓疆制寇無輕舉之失也

彭坑四库全書

大包四年 全与 連進呈臣相度前項軍須糧草萬數不少必是一 騾子一二萬頭即山路險隘與兵馬三二百里轉難 軍二三萬人必應諸處廂軍數少起發不得或使駱 辦集未得如令辦搬運上項隨軍輜重糧草义須用 臣近准陝西都 軍所須令三司與韓琦等商量疾速擘畫應副者臣 都延路部管葛懷敏等申所要軍須糧草共四状 招討使夏竦牒連到朝廷指揮所有行 范文正集補編 t 兩 月 廂

乞先脩諸寨未宜進討慶思元

業未得又諸寨側近蕃部亦多驚起在近裏與漢户雜 管若多差人夫即恐有雨雪之變崎恒暴露稍有關危 路恐糾率打劫近邊人户走入横山賊界則其患不細 便多逃散拋棄糧草為賊之資臣竊見延州廢却承平 居今春未有土田耕種若不修復舊寨其蕃部既無活 程斤堠漸遠賊馬動息卒不可知又退却疆界賊轉深 南安長寧安遠塞門栲栳六寨之後自延州去賊界三 入入况延州東路廢却諸寨歸明弓箭手盡皆流移著

金发巴屋石量

常之功似今重累而行實憂不利臣雖密奏朝廷留此 界之時兵少則難近多則難行假使主將智勇能奪其 臣又聞得横山蕃部散入岩谷多該堡塞控扼險處入 諸將於二月半後出兵萬餘人於廢寨中棟有利處先 **險彼則遠遁我無所獲須過橫山後方到平沙却無族** 乞作聖意指揮遣近上使命急至鄜延路令與臣催 路未速討伐以示招来之意其邊界舊塞不可不謀 可取其討伐之計須是將師出奇兵從天落則有 ! 色し日上前品 非

候着次序選驍捷將兵以守之既逼近蕃界彼或點 次脩復未須大段軍須只以隨軍運糧兵夫因便與 横 見り Ĺ ,馬朝夕便知大至則閉壘以待隙小至則扼險以 彼若歸 有 事然偷復諸塞亦動軍民煩費不少比之入界勞敝 彼或放散人馬亦朝夕便知我則運致糧草以實其 經久之利而無倉卒之患且安存得東路熟户蕃 带在我目中强者可襲弱者思附 順我已先復舊疆彼未歸順我已壓於城境 此 亦禦邊 集 制

|飲定四庫全書

語言日日存品

寒苗 者 得時然 地麻 繼 歸 幾 踵 朝 先 復 此 漢 畏 Ì 明弓箭手乞聖慈裁酌 次 さ 便 又 集 糧 懼 祖又有 世男 草離易之 民 後則 脩 놑 早 知 攻守 易見 可 易 思 Ŧ 臣 獀 ÞЯ 欵 疏 14.1. 烏 阵 上先 至 伏 凯 四二 剕 VL 集 刺 若 攻是 前 備 則則 安 不 它足王美埔三 可使 擊有 五城遮 存 幸 後 敢 應 寒障 則 且於 ř. 得 更 籿 选問 逼漢 執 複策元 上 通則 奏 未 訓勝 前 近 項 詔年 事 練恐答 委 蕃 且 轨 議 嚴未 城 固使猪 界為 乞 È 桁 之雜 寫 捷居 挥 將月 承 3 賊 帥公 A 不 後落 箭 廢 平等十 さ ー 得 累 彼 賊三 寒 爲則各 達假 次慶 就 安 設利挫州 耕近 聚耕

| 欽定匹庫全書 朝遣一 臣竊惟國家太平日久而一 臣 臣前至延安所謂復諸寒爲守禦之備次則幸其休 卿大夫争進計策而未能副陛下憂邊之心且議攻者 謂守則示弱議守者謂攻必速禍是二議卒不能合也 領慶州日夜思之乃 介示招納之意朝廷以羣言之異未垂米納 至二年正 畢力有便 即宜深體此 其奔街見利而 Ą 宜密其 知攻有利害守有安危何則 公再上 且西戎背德陵犯邊鄙 此奏 意與隣路互相 進觀釁而 闡 動 應搜叶 庶 可

欠己日奉人与 一人 在延安慶陽之間有金湯白豹之阻本皆漢寒陷為賊 則當達為牽制金湯白豹等寨可來虚取之因險設 叢聚此誠要害之地如別路入寇數百里外應接不 無素謀士無素勇或風沙失道或雨雪彌旬進則困大 攻其遠者則害必至攻其近者則利必隨守以土 兵則 境隔延慶兵馬之援爲蕃漢交易之市姦商往来物貨 安守以東兵則危臣謂攻遠而害者如諸路深入則 河絶漢之限退則有乘危扼險之憂臣謂攻近而利者 范文正集補編 及

異志又朝那之西秦事之東有水洛城,作亦為之限 若進兵據胡蘆泉為軍壁北斷賊路則二族自安宜 屬賊泉為義渠朝那二郡之交其南有明珠滅臧之 之虞至於合水華池鳳州風川平戎柔遠德靖計 鎮戎軍乾興寒相望八十餘里二寨之間有胡蘆泉今 寨兵甲糧斛可就屯泊固非守備之煩也環州定邊寨 布車横塹不與馳突擇其要地作為城壘則我無不 策應之兵由儀隴二州十驛始至如進脩水洛斷賊入秦 作

金万巴尼人

母 蒙而動與隣道協心而共圖之又親赦文謂彼無驕 則危者蓋費厚則困於財戌久則聚其怨財困則難 亭之路其利甚大非徒通四路之勢因以張三軍之威 怨聚則難保民力日窮士心日離他變之生出於不 臣所謂攻宜取其近而兵勢不危守宜圖其久而民力 也臣謂守以土兵則安者以其習山川道路之利懷 不匮招納之策可行於其間今奉詔軍令嚴加 妻子之戀無久戊之苦無數易之弊臣謂守以東 捍禦 測

欠しりをという

范文正集補編

則我 叛亡之人日助賊算不可不大為之謀也願朝廷於守 雖 須 得密肯許抽將即便 策之外更備攻術彼寇其西我圖其東彼寇其東我 無素定之畫又無行營之備恐當牽制之時茫然 見 寫牽制之策以沮賊氣至時諸路重兵豈能安坐 西寧有備而不行豈當行而無備也所謂備者必先 利而莫敢進觀釁而莫敢動寇至愈盛邊患愈深 不侵掠臣恐城寇一隅遠在數百里外應接 冝從事并先降空名宣勃之 類恐 無措 如 及

鱼牙四月百種

則禦之以難且兵馬精勁西戎之所長也金帛豐富 國 恐諸路更有不支其恥益大賊或潛結諸蕃并勢合謀 年之間當有成事若謂邊將之恥未雪而不欲俯就臣 更有人至不可不答如朝廷先降密旨令往復議論 可行之日奏請不及臣前曾遣人入界通往来之問或 萬和買絹二十萬一郡之入凡三十萬價以啖戎是 其所長此霸王之道也臣前知越州每歲納稅絹 之所有也禮義不可化干戈不可取則當任其所 范文正集補編 有

欽定匹库全書 馬主 涇原地重第恐臣不足當此路與韓琦同經畧涇 数年間可期平定矣願認嚴籍兼領環慶以成首尾之 鳳環慶之兵掎角 涇 師為接臣當與琦練兵選將漸復横山以斷賊臂 州琦兼秦鳳臣兼環慶涇原有警臣與韓琦 郡之入而息天下之散也 答詔 渝 湮 諭以文彦博 尕 傷夷 上北 而進若秦鳳環慶有警亦可率 欲對 奏帝 徒 淫原對 公 采用 進王 Ļ 博經界 悚 吉 徳 年 浬 原 時 合 原 涇 帝 文 彦

潤州 ただり時人時 勢秦州委文彥博 武臣足矣 論 元昊請 定判持元 南郭 官 旦天 遣 至 慶州用滕宗諒總之孫沔亦 月 保偽 和不可許者三大 范文正集補編 良 知使 從 延伊 南 西 赴 大書 雁剌 遣 可防者 箱 史 皇昊 賀 令 È) 式固 保 知適 市 其遣 此侍 安 從稱 勉 可 來 界郎 勉號 軍 簽 又邦 與来 納正歷 烏勉 言户

金月巴尼石量 害目擊勝員三年於兹備詳本末今元昊遣人赴 繼 臣等久分戎寄未議策勲上玷朝廷俯慙鄙懷心究 臣等敢不為朝廷思經久之策防生靈之患哉臣等 國又愈尚懷陰謀卑解厚禮請稱烏珠以緩國家之計 遷當時用計脱身獨弄凶器德明外示納款內實 與朝廷抗禮臣恐不改督號意朝廷開許為鼎峙 **纳和其来人已** 陜 安 撫西 使西 稱六宅使伊州刺史觀其命官之 路 闁 意 養 將 利

怨無所厚獲其横山蕃部點集最苦但漢兵未勝戎人 Union Like 謂元昊如大言過望為不改僭號之請則有不可許者 怨乃求息肩養鋭以逞光志非心服中國而来也臣等 重土不敢背賊勉為驅馳爾今元昊知衆之渡聞下之 丹邀通好之功以臣等料之實因累年用兵蕃界勞擾 **憂戰優勝未有挫屈何故乞和雖朝廷示納欽之意羿 謀至元吳則悖慢侮常大爲邊患以累世奸雄之志而** 交鋒之下傷折亦多所獲器械鞍馬皆歸元昊其下胥 范文正集補編 4

偷生一 到好四月全書 古之罪人自契丹稱帝滅晉之後參用漢之禮樂故事 柔而格之不吝賜與未有假天王之號者也何則與之 而終不能厭其心遂為吞噬遽成亡國一代君臣為 金帛可節儉而補也鴻名大號天下之神器豈私假 可許者三自古四夸在荒服之外聖帝明王恤其邊患 (哉惟石晉籍昇丹接立之功又中國逼小總數十 如早解厚禮從烏珠之稱亦有大可防者三何 時無卜世卜年之意故薦號於彼壞中國大法 謂

於天都山營造所居已逼漢界如更許以大號此後公 家文字拜軍民語言當有西帝西朝之稱天都山必有 昊贼人知逆順去就之分尚或逋亡莫由禁止今元昊 此不可許者一也又諸處公家文字并軍民語言皆呼 勢强威常有輕中國之心我國家富有四海非石晉逼 歸矣至於四方豪士稍不得志則攘臂而去無有逆順 建都郊祀之僭其陜西戎兵邊人負週必逃其地蓋有 小偷生之時元昊世受朝廷爵命非有昇丹開晉之功

とこうら とこり

**吃文正集腈編** 

艺

處夸狄中心謀侵據漢地所得城壘必使漢人守之如 中國宣復有太平之望那此不可許者二也又議者皆 去就之分彼多得漢人則禮樂事勢與昇丹竝立夾困 鎮戎兵民有定關輔之言此其驗蓋漢家之叛人不樂 洛皆漢人進謀誘而致之昨定川事後元昊有偽 謂拓拔珪石勒劉聰苻堅赫連勃勃之徒皆胡人也 居中原近则李克用父子沙陁人也進據太原後都 元昊胡人也無居中國之心欲自尊於諸蕃爾臣等 詔

包欠四母全重

言至上書朝廷便不稱臣其辭頓慢而復屢勝當有大 皆陰謀也是果以山界之困暫求息肩使中國解兵三 言過望乃人情之常也若早辭厚禮便肯從烏珠之稱 造人至猶稱臣奉表及劉平之陷賊氣乃驕再造質九 僭號是將改之斯為叛人之助甚矣此不可許者三也 四年間將即懈慢士卒驕情邊備不嚴戎政漸弛 何為大可防者三元昊以累世好雄之資一旦僭逆初

**帮廾得山後諸州皆令漢人為之官守或朝廷假元昊** 

文已写事全書

范文正集補編

吳事勢稍盛乃稱尊悖禮背負朝廷結連北人情跡 金万日 見大為邊患偶未深入今復起詐端以款我兵而休 前暴發則中國不能支格此大可防者一也又從德 籬落為將来再舉之利緣元昊初叛之時親攻延州是 本有侵陷郡國之志今復强威豈便息心且朝廷四 其衆又欲併力專志併吞鳥勒斯登等諸蕃去秦州一帯 年恩信所被一 敖之後經謀不息西擊土蕃回鶻拓疆數千里至元 朝反側豈有發既畔之謀當未挫 Ł 盡 明

大正日日日山西 散之屬稔禍未已必窺何國家及夾帶亡命入蕃或 年用度必用乃早解厚禮迎合我意欲復圖中國之 後來使蕃漢之人入京師贾販憧憧道路百貨所歸 馴伏今若通和或再許靈夏蕃漢之人依前出入京師 待其給用既畢却求釁與兵以快本意狼子野心固 中國之利充乎窟穴賊因其事力乃與兵為亂今茲五 而能久守盟信者乎此大可防者二也又從德明納 深為不便緣自前往来叛狀未彰情無蠹害今既為强 范文正 集補編 維

單 等乞朝廷俟元昊所遣人至觀其所請彼如大言過 在恣縱甚於昔時有事何以處置此大可防者三也 號壞中國之法彼早辭厚禮止是求烏珠之稱 坠 姦人別有結連或使刺客竊發驚擾朝廷又此 偷等城寨訓練軍馬儲蓄糧草以備虛詐俟一二年 見其表裏及邊備牢固方可那減戌兵於近裏也 于可汗故事有許之之理亦預防其陰謀嚴的邊 僭稱 則乞朝廷答云上畏天地宗廟不可私 則 類 許 泊 按 必 呰 望 臣 臣 所 間

金灯吧人

1:1

į.

城寨則乞答云邊界熟户生有餘怨常相侵害須籍城 置權場交易有無各得其所彼如邀我自今而後罷偷 關之後甚有軍民沒陣其子孫骨內銜怨至深必恐道 塗之中多有警殺致西界相疑更都生事只於邊上建 用彼如求至京師依前来出入賈販則乞答云昨来戰 蕃部安於内附一旦驅之則驚擾生事必不為西界之 范文正非補編

熟戶則乞答云靈夏甚有漢戶能割歸朝廷否况横山

西戎自古翻覆朝廷不可休兵以改不虞之變如求割

寒駐兵方能鎮静使各安居爾若自餘更有非禮之求 將佐不令輕出訓練軍馬率多變法但今極邊城寨或 朝廷或難應副即且拒之不必從也但厚遣来人善詞 之尚可憂慮然大軍持重奇兵襲擊宜無定川之獨也 未堅全新集之兵未可大戰若賊令春便来以臣等 奉韶得以便宜义舊將漸升前弊稍除將責實效約 回答使遷延往来即逾四月賊不能舉矣至秋則無足 何以言之臣等觀朝廷信賞必罰今已明白的 計

**金灰四年全書** 

来則我退守邊塞足以因彼之東若遣偏師而来我 軍鼓行山界不為朝去暮還之計元昊聞之若舉國 各令安居籍為熟戶拒我者以精兵加之不從則戰我 横山 號令齊一陣伍精熟又能使熟户務兵與正軍参用 據險以待之蕃兵無糧不能久聚退散之後我兵復進 **險而戰無足畏矣臣等已議一二年間訓兵三四萬使** 带族帳可以圖之降我者使之納質厚其官賞 色七日月前的 而 则 則

如候秋而来則城塞多固軍馬已練或堅壁而守或據

邊事以沮水圖我太祖太宗統嗣四海創萬世之基業 内 今以三五年之勞再定西陸豈為晚耶昇丹聞國家 應敵疲於奔命則山界蕃部勢窮援弱且近於我自 使彼復集每歲三五出元昊諸廂之兵多在河外 長之謀必懼而保盟不復輕動然後中國有太平之期 廷 帥 附内選首豪以鎮之足以斷元昊之手足矣然乞 以平定大計為意當軍行之時不以小勝小 則三五年間可集大功仍詔中國臣察不得諱 匈 黙 頻

欽定四庫全書

ŧ

法文工具 阿维

矣臣等所以言彼賊非禮之求不必從者蓋有此議也 安禄山之亂所向無前郭子儀日夜謀應王師復振 有勝賊之計昔漢楚之戰不以多負罷兵而終有天下 國事力不敵四夸非今之軍士不逮古昔蓋太平忘戰 然國家太平日久將不知兵兵不習戰以致不利非 或口今王師不利者數四而未思戢兵何也臣等謂 終滅大盜今國家以天下全盛之勢豈有偶勝偶負而 )弊爾今邊臣中有心力之人鑒其覆轍各思更張將 也之正美術編 而 不

師則 自謂中國不可振而夸狄不可禦耶斯惑之甚矣或曰 兵是以山海之利皆歸邊用抑為此也况即日邊上城 省入中之费減饋運之勞庶乎民不因而財不匱非如 春夏之交軍馬甚可抽退於數百里問就食獨糧亦足 西事之初人人畏懼未測廣情所屯 經今春偷黃漸以險固兵民力役自當減罷又每歲 有巧運拙速之異如其外樂四夸則自古未常發 可久久則民困而財匮臣等謂不然爭勝逐利之 軍馬不敢少退臣

欽定匹庫全書

卷一卷手

豈止今日邊患哉臣等是以不敢念身世之安忘國家 衰挾以變許若朝廷處置失宜它時悖亂為中原大 禍 甚 於納和樂侮之間審其處置為聖朝長久之慮天下幸 要須罄芻养少期補助其元昊來人到關伏望聖慈 納和少圖休息非樂職矢石之問蓋見西賊强梗未 班西事以來供國產使三年塞下日勞月憂豈不願 范文正集補編 Ī

更思興利減費之算以為之助臣等早蒙聖典提貳

惟守字最要耳比年以来不知選擇非才貪濁老懦者 古之岳牧方伯刺史觀察採訪使之職也知州 臣竊見古者内置公卿士 大夫助天子司察天下之政 '諸侯守宰之任也内官雖多然與陛下共理天下 置岳牧方伯刺史觀察使採訪使統領諸侯守宰以 切以例除之以 理之内外皆得人未有不大治者也今轉運按察使 論轉運得人許自擇知州公時 州觀一路一 政

致定匹库全書

官如是行之必舉皆得人凡權入者必俟政績有聞 即委逐路自擇知州不任事者奏罷之仍令權擢幕 詩詔二府通選轉運使如不足許權雅知州人既得 |姦雄起而収攬之則天下必將危矣今民方怨而未甚 無所告訴必生愁怨而不思叛者未之有也民既怨叛 / Try 10 - 1 - 1 - 1 叛去宜急救之救之之桁莫若守宰得人欲守宰得人 下則率皆如此其間從有良吏百無一二是使天下賦 不得均獄訟不得平水旱不得救盜賊不得除民既 色文正集構編

钦定匹库全書 政 直 臣聞淳化中太宗皇帝以邊戶饑荒多賣人口 俟人稱職而後已仍今久其官守勿復數易其有異 年方其授之雖以精擇尚處有不稱職者必有降 者宜就與升擢之若然官脩政舉則天下自無事矣 側之特遣使以物貨收贖各還父母此人君之盛德 廷惟總其大綱而振舉之可也 奏乞出內於物帛收贖陷蕃漢戸劉子年公 政 绞 慶歷 蕃 頫

降出 J. 15 .51 1.1. 吾祖唐相履冰之後舊有家譜咸通十一年庚寅 髓必也至德動天降祐王室書之史冊光於後代乞不 意以内部物帛委邊臣斯次收贖陷蕃漢戶人口各還 其家使父母子孫再得完聚則不惟邊上生民恩淪骨 序 續家譜序 范文正集開編 Ī

也近年緣邊漢戶被西戎虜不少今既通人使乞出聖

譜至仲淹蒙竊國恩皇祐中來守錢塘遂過姑蘇與親 中具人皇宋太平與國三年曾孫堅坰塘埙塩昌言 給之又理祖第使復其居以永依庇故作續家譜而 族會追思祖宗既失前譜未獲復懼後来昭穆不明 人從錢氏歸朝仕宦四方終於他邦子孫流離遺失前 渡江為處州麗水縣丞諱隋中原亂離不克歸子孫 祖考及今子孫支派盡在乃創義田計族人口數 族中索所藏語書家集致之自麗水府君而 下四 而 月 乃

彭京四府全書

軍仲淹 事充青州 大夫行尚書户部侍郎知青州軍事兼管內勘農 序之皇祐二年正月人日資政殿學士金紫光禄 即易達也 今日相國筵會不暇子細保愛保愛或有書入京遞中 . 7. 1. .. / 1. 尺牘 述 蔡欽聖殿丞皇祐元年三 沿难登東沂密徐州准陽軍安無使該 也之正長前品 喜

欽定四庫全書 此中寒甚前面筆凍欲重寫又恐因循書札亦要切 飕飕風冷荻花秋明月斜侵獨倚楼十二珠簾不上鈎 未是處無情見教建的 示諭寫黃素寫乾卦字多眼力不逮且寫伯夷頌上呈 詩餘 憶王孫 蘇才翁轉運皇祐三年 秋思 夷 磋

黯凝眸 والمعالم الما والدارك 水芳草無情更在科陽外 碧雲天黄葉地秋色連波波上寒烟翠山映 好夢留人睡明月棲髙体獨倚酒入愁腸化作相思淚 蘇膜遮 漁家做 點漁燈古渡頭 懷舊 秋思 范文正集補編 顆鄉魂追旅思夜夜除 斜陽天接 Ī 非

塞下秋来風景異衡陽雁去無留意四面邊聲連 斷 章裏長烟落日 孤城閉 紛墜葉飄香 無計差管悠悠霜清 無由醉 河垂地年年今夜月華如練長是人千里 御街行 秋日懷舊 酒未到先成淚残燈明滅枕頭敬語畫 砌夜寂静寒聲碎真珠簾捲玉樓空 1 地 濁 人不霖將軍白髮征夫 酒 杯家萬里燕然 角 愁

**到为四周子** 

===	1			The same of the sa
1				眠滋味都来此事眉間心上無計相迴避
	!			·XX
5				, 22,
	1 1	}		冰
				都
		j		1
,				不
	1 1			儿
	1 1	1		事
Ì	1 1			一一
		1		相
		'		間
è				1:3
色文正差滿品	i i	l		1
生				
-				無
6				过十
	.			مدا
- 1	-			14
- 1				逥
-	) )			避
-  .				
				1 .
Ĭ				1 1
٦				
	i i			
	1 1			1 :
L				
	"			-· : . <del>-</del>

-					 	
范文正集補編卷						致定四庫全書
編						F
卷						
						¥ 1
						表:
					٠.	\$ - 1 i
I,						3
					• [	
				,		٠
!	L (	١	1	١	 <u></u>	Ļ

官范 欽 勅 定四庫全書 日詩云樂只君子那家之基言人君樂得賢者兹 家之本肆朕夙夜畴咨峻德共圖大政以綏四方 范文正集補編卷二 ī 殿職守 制 ? 詞 除參知政事勅 淹挺然御材居為國器數爾模鐵可以光贊 可以裁成萬務入更要近出領藩垣蹇 こしにまた前角 具 為

勅 匪 速畧期允迪於大猷副予倚毗無俟煩訓端聽徽命 躬彰彰有跡向以我人失取疆堠多虞得於食指 相 口帝舜告命禹曰隣哉臣哉臣哉隣哉盖歎君 欽哉 付不在或府兹其用命惟殿艱哉具官范仲淹 節輯和卒乘您著恩威登爾超廷屬之機柄佇矢陳 須而濟今夫與我守祖宗之業成天下之務者 復除參知政事知諫院勃 臣 付

欽定匹库全書

清日日介青品

中 匪 彌 雨 · - ; 汝者三年都上一心勞止卒乘輯睦物 明堂之柱石景祐初載子始親政懼明敏之不至 如将不夾先展之期雪霜既零益見後凋之節比 終家職庶政得失皆我家事凡爾感愤豈躬之故 良而自助 不若疆埃為虞斧鉞在前罔知攸付思集吾事無易 方材周 歌退不寧於养寢雖間外之事賴其臨該而輕 21 . /. 1 . 諸 得爾疎達之地非由左右之先耀置諫垣 用近雅不流合清廟之琴瑟任重 包文正原備渦 械繕完居不 無撓 求 暇

钦定四庫全書 日 報 朝 则 之要先中密勿故馳召傳舍命登樞廷兹屬幸 大名之下難為處 多方議爾於始終之際也慶思三年八月 有虚位俾 下 夕以交修予先迪前人勤殺邦其兄子於休 拜資政殿學士知郊州兼陕西四路沿邊安撫 使勃 阚句泱践胜两 矧兼此二者可無勉哉 地夫大恩之下難 阚 尚 無 刮 於

**堯舜湯文之事懷之以德綏之斯和乃眷疆陲方兹安** 欠足り事を動 誠請增華私殿以罷於蕃祗服恩榮無易忠義慶歷五 更踐柄府茲昆式之初附顧西土之粗安深練機宜揣 節敖歷通顯周旋委遇比當問寄實立事功召選本朝 輯當得重任以稱此行具官范仲淹早窩藝文素著名 劫口夏寇之為邊患七年於兹矣朕為生靈之思庶幾 年正月 無爾比惟是新平之路居當四路之衝為吾撫綏抑 日下 范文正集補編

中 費 金グロスノニー 言中 純 兼文武之烈今子嗣守丕業選任大吏亦拔西即 風烈用建爾仲子嘉其緇衣之德錫以召 祖之命惟 曰昔我皇祖仁宗博求多士以綏靖四方天惟眷 樞 之正人既已克和羌戎又以變治區夏出入中外實 仁父范仲淹東德不貳好謀而成始任諫詳知無 為將師靖而能勇卒以功業股放先聖兹予懷 **匪伊異人惟父惟子得人之或朕無愧爲其官** 贈 太師楚國公衛國太夫人語 鰝 佑

ここうことここと 樞臣願為密章之贈或於幽壤尚克嘉之元祐元年三 風宜錫褒榮以慰存殁乃祖唐相實政衛國之封眷 其行其君子正直有羔羊之德其後世信厚有麟趾 廣吾孝以慰爾心具官范純仁母李氏山河之容江海 悼寵禄之無施兹予您祀於總章大霈雕恩於海宇思 **訟曰士大夫義隆於顯親恩深於念母追劬勞之罔極** 追封楚國公 保之貴既無以加故河潭之封益大其龍可特贈太師 紀文正 書浦編

欽定四庫全書 月 曰庇 民尊主緊賢哲之遠散崇德報功實帝王之先 日下 追封魏國公告

世之才出質沒昌之運危言警世高義簿乎天地直道 泉聽故具官范仲淹清明而 移昭 揭犀倫之不範遠在希世之偉人爰錫恤章式 直該博大而剛方早以

立朝 勁氣貫乎金石入議大政有功斯人需膏澤之

則秦霍至於不採朝

和 强

民緊嘉猷之告后山有代猛

華家已位上公之槐胙土分茅載賜全魏之履豈特賞 たこうら たる 纂臨於初政彌難想於宏模思有窥揚舞茲遐邇命圭 之業首建金城萬雄之謀功成於元豊效見於今日屬 者仰其高明景星鳳凰人皆快於瞻親當規皇基億載 張乎天威文武惟憲萬邦風来想見天下泰山北斗 敢制勝智機者神弭變消萌酋渠褫魄聲名暴於夸貊 本則精神為之折衝當夏城之跳梁總師干而桿 功烈者於門葬故紋在朝堂喬庸子帝載運籌帷幄震 范文正集補編 禦料 學

御書 當 金以四月全書 濟時良相 H 罷靈斯字可特追封魏國公靖康元年 康熙四十四年四月十六日 下 賢而臣下 朝廷優崇 給賜祠堂扁額 勘無幾褒有徳而萬方懷英爽如存 月

實封六百户累贈兵部尚書太師中書令兼尚書令 書户部侍郎護軍汝南都開國公食邑二千三百户食 賜前宋推誠保徳功臣資政殿學士金紫光禄大夫尚 翠華所至問俗省方樂育賢材嘉恵臣民優恤淹滞 追封楚回魏國公諡文正 ここうるここ 天子南巡阅河臨幸江浙 康熙四十有四年乙酉仲春 御書亭記 Ĩ 花文正集補編 臣范仲淹

欽定匹库全書 萬幾休暇鄉農野老厚懷望幸之思 德施仁 因弗周至萬姓散 忆四月十二日乙亥自杭回 車駕所歷有好東作惟靜息 皇上軫念麥隴方秋恐 龍章揮灑恩發有差而尤加意前賢表章往哲十 聖學淵深底楊莫及 行宫從客翰墨之樂 , )外的拟景清和湖山明麗 Ð

戊寅 とこりをとき 命南書房翰林臣查昇 業等以宋先 赐呉泰伯祠言子祠二扁額次蒙 各祠扁六軸 親書海時良相四大字與錢唇未子祠晉陵東坡書院 上俞允翼日己卯 語垂前有翰林臣查昇臣將廷錫鴻廳寺仰臣 臣 仲淹文正祠對 花文正作補編 臣陳壮復 12 屈廷 儀臣張廷玉 宋酸

諭 賜 臣錢名世臣將廷錫棒出首宣 金万四月白星 特 皇上崇重先代名臣 相 州者交與地方官有江寧巡撫臣宋榮改奏范氏本家 御書墨本當給與嫡派長房子孫藏守如後裔不在蘇 云 先日祠傳 赐扁额 傳設有義莊主奉係長房嫡尚范潛臣所素識隨棒

恩無地謹附奏云臣祖祠建在鄉邦數百年來未邀 .... 召武博學鴻詞 玉音旌願臣父必英係丁酉科舉人已未 恩古恭開瞻仰四字褒揚八法古勁書盈二尺大踰他 幅眾目貨觀無不萬美以為臣家榮遇臣跪承之下感 訓導臣且熟監生臣源臣與未等跪接 授 臣祇受臣率同宗族 在户部侍即臣承烈原任東平州知州臣溥吳縣學 · · · 范文正集補編

奎章 狡 飲授翰林院 袓 御書精妙以微員供職未久不敢請給欲求扁 人之末於 皇上追與先臣正所以勉勵後嗣臣 方者甚多 祠光祭因向無此例亦不敢演奏有志未仲今蒙 輝煌祠字真亘古未有之曠典臣家子孫散處四 檢討私列侍從恭覩 介儒生需次選 對 レス

欽定匹库全書

聖慈賜臣祖 國家未有尺寸報効乃荷 顶踵 御書 隆恩此不 錫以芳名自莫不踊躍奮興砥礪臣節教忠教孝 皇上推恩及數百年前之臣子念其成績 聖德之生成無量所有 という いき ノントン 何以 臣審臣溥俱得與賜 獨 仰答 祠扁额項分頌諸 臣 家感戴凡殿臣庶觀瞻者仰見我 范文正具補編 日之間查府禁罷雖捐 臣 ħ

恩出 欽賜先祠扁額臣適 駕至蘇得拜先臣 國恩拔置大條今臣隨 前人題跋相傳法守謹當裝潢珍藏昭示子孫永 臣之後上叨遺蔭一家父子兄弟先後屢受 皇仁於萬世侍 非常喜溢望外敢不益矢格恭勉圖報稱臣 面臨榜祠楣臣原有先世語勃 郎 臣 祠下私心方為慶幸今奉 承烈奏云臣審陽分支系同出 躬逢異數 謹 沐 隨

賜給墨實除一

手澤

気四月全書

宮門前入内一 古理合奏謝奏畢翰林臣昇等隨引至 蘇屬子孫恭同接 次定四車全書 那昭 郡忠澤幾半天下所在祠祀不啻百計吳中為父母之 闞叩謝訖伏念先臣自筮仕至執政四十年中歷知州 御扁至文正書院祖像前恭設香業拜告望 皇上俱知道了當即 揭 一代為傳奏出云廟等所奏 謝恩而出臣等齊棒 紀文正作補編

皇上優崇先日 長翰底不負 璇題未能過及謹擬建立碑亭壽諸貞珉摹奉直省各 榜丹黃金碧藻繪兼施擇吉懸掛蘇城文正書院天平 13 石摹勒供寘亭中 時常臣溥臣旦熟等復捐金以助其役於是市材 忠烈賜廟都學祠支例寺祠滸墅關書院等處別 **俾處處子孫咸得恭瞻** 之至意因出義田儲栗臣承勲臣 併 将 姢 賜 15 洛臣 溥 承 \$i]

御書列樹於壁 钦定四庫全書 聖世之殊思小臣之竒遇臣不勝感激悚惶之至 天文璀璨荣光上燭於先祠睿藻繽紛鳳彩分輝於 が州人當是 麗水正之先世復選居於 臣不揣荒陋援筆恭紀以彰 按唐宰相懷州河內人麗水巫幽州人 諱仲淹字希文唐宰相履氷十世孫其先卯州人也 傳 宋太師中書令兼尚書令魏國公文正公傳 范文正集補編 八此高祖隋唐

呉縣 宗端拱二年已五生於徐州官舍二歲而孤母 宗時調官處州麗水縣丞因徒家江南遂世為蘇 無依更適 宋終徐州節度掌書記後以公及諸孫貴皆贈 唐周三大國追封三代祖考父為周國第三子太 鄉千里三雅幼弱 人曽祖夢齡祖觜時父墉俱仕呉越後父隨錢 考 年間自冀而罰 官 池州長山朱氏清妆 掌 書記秋 徐甸 列三班之末周围從我 Ł) カ周 六國 **递随育於朱白** 六成公卒 微 謝夫 亦 太 不 ВБ 카

從其姓名說既長知其世家感泣辭母去之應天府於 寺丞以母喪去官晏殊知應天府聞公名召賞府學上 給以集粥繼之人不能堪公不苦也真宗大中祥符五年 德府 南 禮部舉第一八年登蔡齊榜進士第為廣德軍司李奏軍 迎其母歸養改集慶軍節度推官始還姓更今名監泰 西溪鹽税仁宗天聖元年從監楚州糧料院遷大理 依成同文學畫夜不息冬月您甚以水沃面食不 擇那守舉縣令斥游情去冗僭慎選舉撫將師 

學者多從質問為執經講解亡所後當推其俸以食四 萬餘言服除以殊薦為秘閣校理公汎通六經長於 喬不顧身一時士大夫嬌屬尚風節自公倡之天聖七 方遊士諸子至易衣而出公宴如也每感激論天下 之且曰奉親於內自有家人禮顧與百官同列北 年章献太后将以冬至受朝天子率百官上壽公 朝之不可為後世法且上疏請太后還政不報尋通 河中府徙陳州 時方建太一宮及洪福院市村木陝 面 極 易 而 \*

欽定四庫全書

記文正引有

とこのほとよ 遺 時事公曰太后受遺先帝調該陛下者十餘年宜掩其 號也自古無因保育而代立者今一太 后崩又立一 除積負又言恩倖多以內降除官非太平之政事雖 小過以全后德帝為詔中外母輒論太后時事初太后 行仁宗以為忠太后朔召為右司諫言事者多暴太后 一語以太妃楊氏為皇太后参決軍國事公曰太后母 范文正集明編 1

公言昭應壽寧天戒不遠今又份土木破民產非所

順人心合天意也宜罷倘寺觀減常歲市木之數以蠲

條 知 后 能 淮京東滋甚公請遣使循行未報乃請問曰宫掖 得 日不食當何如帝惧然乃命公安撫江淮所至 天下且疑陛下不可一日無好后之助矣歲大蝗 睦州歲餘從蘇州首與學校延安定胡瑗為之 水民田不得 校 眀 且禁民淫祀奏蠲爐舒折役茶江東丁口鹽 弊十事會郭皇后廢率諫官御史伏問爭之 Ð 將留百官揖宰相廷争方至待漏院有記 耕公疏 五河導太湖注 一之海募人 與作 師 錢 開 倉

金灰四月全書

官室帝問夷簡夷簡曰此 戦 禮 百官圖 郎 就尋徙明 簡 槯 之地太平冝居 少口 此則 不悦 知開 员 指其次第曰 外郎天章閣侍 他日 封府時 私 州轉運使奏留公以畢其役 况進退近臣凡赵格者不宜全委之字 論建都之事公曰洛陽陵固而 吕夷簡執政進用者多出其門 汴 如 即有事必居 范文正集補編 此寫序遷 制召選判國子監選吏部 仲淹 迁澗之論也 如此為不次 洛陽當斯廣儲 許之 かろ 1拜尚 汴 如 蓄 買 為 此。 公 禹 書 繕 则 外 四 四 相

CALD TOT AT ALL

1

淹 愁訴 金万四月石量 言竹 自 切由是罷 間子陛下既優容之矣臣請追改前命太子中允尹 有 以獻大抵譏切時政且日漢成帝信張禹不 朋黨揭之朝堂於是秘書水余靖上言曰仲淹以 試與仲淹師 新养之 宰相處加收電況前 曰仲 淹離間陛下君 知饒州殿中侍御史韓濱希宰相旨請書 褐臣恐今日亦有 友且當薦己願從降點 臣所 所言者在 張禹壞陛下家法夷 3] 用皆 陛下母子夫 館閣校勘 朋黨也公對 疑 舅 婦 欧 陽 仲 益 家

欠近り事を聖 為天章閣待制知永與軍改陕西都轉運使會夏竦為 淹為其密請立皇太弟故也今朋黨稱為如此奈 杏 脩以高若訥在谏官坐視而不言移書責之由是三人 簡再入相帝諭公使釋前憾公頓首謝曰臣 大夫為論薦者不已仁宗謂宰相張士逐曰向 詔戒敕公在 偕坐 貶明年夷簡亦罷自是朋黨之論與矣公 西經界安撫 招 饒州歲餘徒潤州又徙越州元昊反 討使進公龍圖閣直學士以副 記文正集補編 鄉 論 盖 Z 何 瓧 貶 召 去 國 再 仲

部 五十人 全人でたとい 萬 家事與夷簡無憾也延州諸岩多失守公自請行 桁 輸勞苦請建 更 郎 賊 出 不 八千人分為六各将三千人分部教之量賊泉 中兼 擇人以官為先後取 衝大與營田 禦賊時塞門水平諸告既廢种世衛策城青 都監領三千人寇至樂之則官平者先出公 知延州先是詔分遵兵總管領萬人鈴 且聽民得互市以通有無又以民 敗之道也於是大閱州 中同華中下户稅租 家 兵 澗) 轄 遷 就 使 狥 曰

茶山横山之民必挈族来歸矣拓疆與寇策之上也帝 恩信招来之不然情意阻絕臣恐偃兵無期矣若臣策 師暴露不如俟春深入賊馬瘦人飢勢易制也況邊 康定軍明年正月詔諸路入討公曰正月塞外大寒我 不效當舉兵先取綏宥據要害屯兵管田爲持久計 夏西羌必由之地也第按兵不動以觀其釁許臣稍 淅俏師出有紀賊雖指擬固己 攝其氣矣鄜延密通 它之正等清漏 \* 盔

之春夏徒兵就食可省雜十之三他所减不與認

以為

障通斥堠城十二岩於是羌漢之民相題歸業久之元 昊歸陷將高延德因與公約和公為書戒論之會任 皆用其議公又請脩承平永平等岩稍招還流亡定保 為 首長六百餘人約為鄉等公以其反覆不常也至部 畧安撫緣選招討使初元昊及陰誘屬羌爲助而 環 敗於好水川元昊答書語不遜公對来使焚之大臣 本曹買外郎 不當縣通書又不當縣焚之宋庠請斬公帝不聽降 知耀州徒慶州遷左司郎中馬環慶路

|| 鐵定匹棒全書

"不至貿其首領諸羌皆受命自是始爲漢用矣攺 邠州 親愛臣呼臣為龍圖老子今退而與王與朱觀為伍 觀察使公表言觀察使班待制下臣守邊數年羌人颇 老幼入保本岩官為給食即不入岩本家罰羊二全族 爭訟聽告官為理輒質縛平人者罰羊五十馬一賊馬 入界追集不赴隨本族每戶罰羊二質其首領賊大

奏行邊以詔書犒賞諸羌関其人馬寫立條約若讎己

和斷輛私報之及傷人者罰羊百馬二已殺者斬負

欠百日日白馬

范文正集補編

金月四人人 萬 先據其地 恐為賊輕矣辭不拜慶之西北馬鋪岩當後橋 金湯皆不敢犯環慶自此寇益少明珠滅瓶勁 繼 来戰佯北公戒勿追己而果有伏大順既城而 腹中公欲城之度賊心爭密遣子純佑與番將趙 版築皆具自 萬己喪師平時且懷反側今討之必與城表裏南 涇原欲襲討之上言曰二族道險不可攻前 1 引兵隨之諸將不知所向行至柔遠始 4 而城成即 大順城是也賊覺以騎 兵数 號 Ð 白 口 明 在 髙 令

六十由 蘆泉泉為保障以 原州西擾鎮戎東侵環州邊患未义也若北取細 钦定四庫全書 出無功解不敢受命詔不聽時己命文彦博經界 圖謂左右曰若仲淹出援吾無憂矣奏至帝大喜曰 定川賊大掠至潘原關中震恐民多竄山谷間公率 浦 囡 /徹可無憂矣其後遂築細腰胡蘆諸砦葛懷敏敗 知仲淹可用也進樞密直學士右諫議大夫公以 邻 沒接之聞賊已出塞乃還始定川事聞帝按 斷賊路則二族安而 范文正集補編 環州鎮戎 į 徑 涇 道

腰

胡

間 為援臣當 慶之 帝 武臣足矣帝 重第恐臣不足當此路與韓琦同經界淫原並駐 琦兼秦鳳臣兼琛慶涇原有警臣與韓琦合秦鳳 可期平定矣願詔嚴籍兼領環慶以成首尾之勢 以涇原傷夷欲對從公遣王懷德諭之公謝曰涇 委文彦博慶州用滕宗諒總之孫沔亦可辨集 ,兵掎角而進若泰鳳環慶有警亦可率涇原之 與琦練兵選將漸復横山以 米用其言復置陕西路安撫經畧 斷賊臂不數 消 招 師 原 州

使以公與韓琦龐籍分領之公與琦開府涇州而從彦 欽定四庫全書 州縣官有不能守者朝廷欲按誅之公曰平時諱言武 邊命為陝西宣撫使未行除參知政事會王倫寇淮南 修等言仲淹有相才請罷舉正用仲淹遂改參知政 博師秦宗諒師 慶張九郎渭公為將號令明白愛 昊請和召拜樞密副使王舉正懦黙不任事諫官歐陽 公日執政可由諫官而 卒諸羌來者推心接之不疑故既亦不敢輒犯其境元 得乎固 范文正集補編 解不拜願與韓琦出 撫 事

**監司邊任須在職滿三年始得蔭子大臣不得薦子弟** 非選舉而授須通滿五年乃得磨勘庶幾考績之法矣 非有大功大善者不選內外須在職滿三年在京百 閣召二府係對公皇恐退而上十事一曰明點陟二 久安之弊非朝夕可革也帝再賜手詔又爲之開天章 意太平數問當世事公語人曰上用我至矣事有先後 備寇至而專責守臣死事可予守令皆得不誅帝方鋭 日抑僥倖罷少御監以上乾元節思澤正郎以 下岩 府 司

請罷糊名法來考履行無闕者以名聞進士先策論 矣四曰擇長官委中書樞密院先選轉運使提點刑 者從中書選除刺史縣令可以得人矣五曰均公田外 大藩知州次委兩制三司御史臺開封府官諸路監 選注官次第人守本科選進士之法可以循名而責實 賦諸科取兼通經義者賜第以上皆取部裁餘優等免 館閣職任子之法無冗濫矣三曰精貢聚進士諸科 知州通判知州通判舉知縣令限其人數以舉主多 こことに前向 Ē 敍 Ē)

欽定四庫全書 給縣之費錢輔有成法則諸道皆可舉行矣八曰推思 农桑每歲預下諸路風吏民言農田利害堤堰渠塘 以自養然後可以責康節而不法者可誅廢矣六曰厚 官麇給不均何以求其為善即請均其入第給之使有 募畿輔强壯為衛士以助正兵三時務累一時教戰省 信赦令有 田浙西之河塘隳廢者可興矣七曰修武備約府兵法 縣選官治之定勸課之法以興農利威漕運江南之行 所施行主司稽進者重宾於法别遣使按 きこ 於文口引行 州

為不可而止又建言周制三公分兼六官之職漢以 来用之宜著令者皆以記書畫一領下獨府兵法眾以 受役者悉歸之農民無重困之憂矣天子方信智公悉 者為鎮併使州兩院為一職官白直給以州兵其不應 更矣十曰減徭役户口耗少而供億滋多省縣邑户少 以人行者删去順冗裁為制動行下命令不至於數變 其所當行者所在無廢格上恩者矣九日重命令法度 以示信也行之未幾旋即釐改請政事之臣參議可 己ヒヒたお馬 Ē

而己上非三公論道之任下無六卿佐王之職非治法 臣予奪其體大者二府食議奏裁臣請自領兵賦之職 兼判其事凡官吏點防刑罰重輕事有利害者並從輔 监太常刑部審刑大理羣牧殿前馬步軍司各委輔 也臣請做前代以三司司農審官派內銓三班院國子 領之重而二府惟進擢差除循資級議賞罰檢用條 樞密院古夏官司馬也四官散於學有司無三公兼 致定四庫全書

公分部六师唐以宰相分判六曹令中書古天官冢宰

計五日日計

.

にこうる かち 裁削俸濫考數官吏日夜謀慮與致太平然更張無漸 召還倚以為治中外想望其功業而公以天下為已任 黨及陝西用兵天子以公士皇所屬拔用之及夷簡罷 規模澗大論者以為不可行及按察使出多所舉劾人 **忤吕夷簡放逐者数年士大夫持二人曲直交指為朋** 如其無補請先點降章得象等皆曰不可久之乃命奏 心不悅自任子之恩薄磨勘之法密僥倖者不便於是 知政事賈昌朝領农田公領刑法然卒不果行初公以 范之正集補編

誇毀 到好四月全書 罷政事乃以為資政殿學士陕西四路宣撫使 黄金百兩悉分遺邊將麟州新雅大寇言者多請棄之 密副使富殉請行邊於是以公為河東陝西宣撫使賜 其在中書所施為亦稍稍沮罷以疾請鄧州進給事中 又奏免府州商稅 公為修故岩招還流亡三千餘户蠲其稅罷榷酤予民 荆南鄧人遮使者請留公亦願留鄧許之尋徒杭 稍行而朋黨之論浸聞上矣會邊陸有警因與極 河外遂安比去攻者益急公亦自 知

始筮仕以迄參大政其間歷守諸州郡所在必開設學 心而慨然有志於天下曾曰士當先天下之憂而憂後 之碑公內剛外和其於富貴貧賤毀譽数成一不動其 嗟悼久之又遣便就問其家既葬帝親書其碑曰褒賢 也贈兵部尚書諡文正初公病帝當遣賜樂存問既卒 而薨年六十有四時皇祐四年壬辰五月二十日甲子 再遷户部侍郎徙知青州會病甚請颍州有興至徐州 天下之樂而樂初仁宗以前天下州縣未當立學公自

とうりき かかり

V

范文正原補編

キュ

公之好 時風 後 貧後雖貴非賓客不重內妻子衣食僅能自充身殁之 勒其讀中庸又授太山 知 銀好四月全書 郡學至慶歷四年韶州縣皆立學從公請也康定用兵 其遠器乃抑之日儒者自有名教 諸子家貧無歸日借 率先訓督教育多士首以吳郡所卜居之宅奏請 翔張載方年十 明經附有功理學者如此性至孝以母在時方 10 とこ 官屋以居僅敬風 孫明復以春秋其後皆成名 慨然以功名自許上書謁公公 可樂何事於兵因 雨而 獨 好 立

尚書命追封楚國公靖康初復追封魏國公後賜廟 というしたけ 慶二州之民與屬羌皆畫像立生祠事之及卒羌首數 百人哭之如父蘅三日而去元祐中贈太師中書令兼 士故人樂為用入為政尚忠厚所至有思諸蕃質子縱 善士多出其門雖里卷之人皆能道其名字卒之日四 其出入無一人逃者蕃商來見名之即內微衛與語が 方間者皆為歎息為西師時所得朝廷賜費悉以給將 子置義在里中以瞻族人創立規法以垂水久汎愛樂 范文正集補紹

弘毅之器足任斯責使完其所欲為追讓古人哉 其當朝雖不能人然先憂後樂之志海內固己信其有 數語生平事業備見於是豪傑自知之審類如是子及 天下事他日為政盡行其言諸葛孔明草盧始見的烈 有仲淹諸賢無愧子此仲淹初在制中遗宰相書極論 吏臣論曰自古一代帝王之興必有一代名世之臣 卷別集五卷行於世四子純佑純仁純禮純粹別有傳 曰忠烈所者有文集二十卷奏議十七卷政府論事三 多好四月全書

1		T	<u> </u>	1	1		1
			′				
			!	Ì			
-			İ				
		ĺ	ľ				
Ļ		ļ					
1				Ì	· ·	 	
i				]			
				1			
1					İ		
	ĺ						
		ļ	į	į			
							. 1
							1
1		1		i			

范文正集補編卷二			<b>多灾匹库全害</b>
			180 c)

書從北海寄西豪開卷裁窥球髮毛范墨韓文傳 欽定四庫全書 とこりえ 首陽風節 范文正集補編卷三 題跋 跋文正公手書伯夷頌墨蹟 頌古皆無更得高平 7.10 轉孤高 戊申後三十有七日許昌郡齊中 手書 年庚寅 超文正集 補編 柏 夷 項 A 徐 皇 浅 祐 Ð Ξ

南京四库全書 老更問不用悲吟恐飛去豈無神物護重闋 蘇家能事復何如 法書遙逐使車還嘉句新從相府頒牢落二賢天地外 社 風流三絕古今問台文競雅高逾麗化筆交揮 青州資政寄示小楷伯夷頌許昌相公以詩跋尾因 相公以詩跋尾遂為七言因而寄及謹用拙篇紀咏 作詩謝二公兼呈永與觀文相公 運度支得青州資政黃素書韓吏部伯夷頌許 **壬辰歲正月才翁按察富殉題** 卷三 婚元上 昌

次足口草心事 崇豆千裡精妙極雙金題該益珍秋用的賢彦心 首陽亦範遠吏部屬解深染翰著嘉尚系言光德音聚 遠蒙運使度支以資政范公所寄黃素小字韓文公 雅什兼寄長安晏公公亦有作行久兹休退人事僅 伯夷頌請許昌文公淮西富公題詩於後才翁復綴 廢不意雅故未移悉以副本為貺倮愚繼之對此怔 忪既感且 愧輒爾率强 課成拙句奉呈敢言亦購之 范文正 集補編

金少口屋月書 當世宗工復題咏尤宜率土盡書師 壬辰歲孟春月使車按部獲一觀馬 教萬古物忠臣頌聲益與英聲遠事跡還隨墨跡新 矣癸已歲夏四月 **乘聊為續貂之比耳** 文健筆鈔韓文文為首陽山下人寧止 文好談古賢人節 義老而彌寫書此頌時六十有 看頭之益以自信故退之希文尤怒 昌朝書 衍上 執中題 一言旌義士

高賢忠義古今同手筆遺篇法甚工質軸傅家當不朽 憋耳治平二年五月六日 とこのるかには 許昌題後及今二紀乃熙寧甲寅之歲仲冬中幹之日 追懷餘思凜生風 丹楊邵亢獲觀熙寧庚戊二月庚寅記時领荣陽 河東薛嗣昌亢宗觀 覽才翁家希大手筆伯夷頌輒書短篇於紙尾熙寧 庚戌歲初伏日類川韓絲子華題 范文正集補編 襄題

安國借看西府東廳書今里 辛酉季冬九日 皇祐三年侍行於青社時先公書此頌以寄京西轉運 賴昌韓鎮王汝屢嘗觀之元豐甲子歲仲秋社日又從 番陽劉定金陵陳祐甫同觀元豐四年三月廿八日 念往懷賢不覺恨恨 使蘇公今再見手澤不勝悲慕元祐三年六月七日嗣 祐二年勝日请恭楊傑京北慎宗同觀命是 當世題 伊川逸老再題

崇寧五年純粹得見先公先兄遺墨於類昌伏讀久之 六日 次足四車全書 一 林种贾公望獲觀戊寅冬十月廿九日記 子守尚書右僕射兼中 其書也此卷皆元老真儒翰墨使人 范文正高風表表文米云為天下後世之仰服蓋不獨 汾陽郭彭年建安陳显同觀宣和王寅夏六月二十有 落紙上七月八日 謹題 范文正集桶编 **書侍郎純仁謹題** · 東然欽賞政和四

伯夷古賢人昌黎追作頌文正小楷書尊仰世所共李 **高賢邀已遠凜凜生氣存韓范不時有此心誰與論** 清江李開晉陵胡唐老同觀 紹興甲寅八月望建康秦糟謹題 一瑞堂 和丙申孟秋二十八日趙子號王孝迪同觀於高平 正月六日濮陽李孝彦 タイマ 人收藏萬金重適來尹平江范氏暫陪從一日 卷三 践命墨

韓子伯夷頌遺京西轉運使蘇公舜元蓋天下萬世大 書於平江旅次舟中子鄉 : 約而歸之其心豈遂忘殷哉一旦武王之師載本主而 皇祐三年十有一月文正范公在青社用黄素小档書 五賢心鄉辦清供 拜祠下歸諸子孫用三賢固自住侯德亦堪誦再拜書 天下有其二以服事殷伯夷固知其将終身西伯故辟 網常大議論扶植天地不可一日以無者昔文王三分 大德已亥四月十五日曹南馬紹 范文正集補編

世争綱常繼之以死其事誠卓絕然人乃或非之至孔 子時猶有以為怨者而孔子獨曰求仁而得仁又何怨 至唐時猶有以為偏而不通者而韓子獨曰伯夷者持 以王號於其衆非文王意也兄弟奮然以身為天下萬 綱常很吾為此懼而幸獲睹范公之所書義士仁人 公乎天下萬世有功於綱常甚大時無韓子議論奏則 獨行窮天地三萬世而不顧韓子之言上繼孔子而 毅色凜在心目間使頑者懦者一見且批汗破膽知畏

飲定四庫全書

幸處網常之變當何如若公者真可畏而仰哉大與李 前後緣論諫得罪至被以誣謗目以朋黨擴斥遠外而 議論是范公亦與有功於綱常也公平生自許忠義 蓄積者嗚呼皇祐盛明時公之書此猶義形於色設不 公信道之為頭而愈奮老而愈属伯夷頌固其中素所 とこうしたよ 汴梁焦君德明首請公祠下訪問其子孫而以畀之尊 **侠戡丁丑歲得此本於無揭來守姑蘇偕濟南陳君祥** 賢尚義有如此公之孫邦瑞士貴敬受而藏不啻共屋 院文正集補編

面近四库全書 當取節二君皆有典刑 忠宣公兄弟有感手澤言泯意外志念深矣尤後人 始其家嘗以摹本刻於義莊歳寒堂至是乃得真跡 若昌朝執中輩雖素有抵牾亦不以人廢馬抑予 百四十、 殆匪偶然二君議勒石傳不朽輒具論顛末俾以 社正獻文忠烈富文忠蔡忠恵諸賢與公忠義 題賦而蘇公詞翰氣縣又公所重宜併刻 年之後若有神物護持以待其子孫而後 文學 能九其宗族黨所共推尚 =

題師道 次足四華全島 武木盡美宜二之退之第一唐文人希文第一宋輔 班固人表吾當疑第一武王二伯夷我謂伯夷可第 偉哉君子無窮澤留得餘芳奕世傳 長白山中名相出首陽山下若人賢古今如此能多少 之傳其永永無數大德四年二月初吉陵陽年獻識 歲月相望越二千遺墨來從新畫戟故家復取舊青寶 其族之人與其子弟謹守此寶圖繼前志用行忠義 范文正 集滿編 嘉興張伯淳敬

祐慶歷諸鉅賢逮至渡江乾 柳顏 亷 睦族春復 頌范為寫三絶 今黄鄭謂 澤幽 國 居 11] 處良 州鄉 足 公住 遷 逸使 正枯 始蒼 齊君 仁相 孫 以忠 李 居 今 įL 姑 宣 後珠題王跋盈長 蘇湘 公 硹 世族 孫長 鶌 *}*}} 謂右 軍元昊驚 趙 ut 邦主 括 餘三百 壓祠 州 瑞祭 廉馬 至蘇 ۲۷

たこり見いま 其彌芳嘉先正之有後兮偉徳澤之長出此帖而歸 以久留今雷霆下而取將幸都使之中襲分嚴墨蹟之 **奇授者良難受者易即此可判遺爱碑** 牢復其家提學翰林索我詩 未亡把一 上丁之明日紫陽方回萬里處谷 兮甚魏笏之輝煌時不可兮再得勉世世兮珍藏 企清風兮薇山之陽寳芳帖兮薇露之香意人世不可 麾而東來兮文正之鄉喬木蒼蒼兮蘭非非 記文正集補編 坐外補肯捐此野真復 大徳庚子春

金好四月月主 春風歲歲蕨被香 相青 蘇李侯賢太守為將手 醒首陽千古夢爾来宇宙三百年劫灰 之常作伯夷頌綱常更為文章 何人 理是網常 人似伯夷 絶 -復還范氏事尤奇不知百世聞風者 錢塘仇遠再拜山 文妙發揚公餓首陽元不死 歸雲玄因憶右軍脩禊飯 **先** 生 村 寧非

**書還孔子非無故栗可不食國可辭較之一紙真豪釐** 君子於物不留意好德終然勝好古劍許徐君自有心 智水藏之固其所今比蕭異誰賢愚豪奪何如能樂與 聞風廉立遠如許信哉聖人百世師西山之微何獨美 ·... 承平文獻傅至今品題先後如盖籍就中何人合愧 何微二子一草耳東海魯連死猶生中書馮道生猶 齊總管相公以所藏文正公書伯夷頌歸於范 不是夷齊心 ). !-楚北村民湯炳龍題北村 范文正集補編

**雜今今古共發倫墨胎事遠頌聲在青社人** 海濱二老本同歸末路殊途孰是非叩馬勿勿扶義士 八素郡侯還范氏先憂天下亦同仁 時端合極斯民萬世寧無啓不臣此意聖賢非二 盛事也不端無陋僭賦小詩高沙襲彌拜手 懷賢尚德之心士大夫皆樂道之為詩若文盈軸甚 與趙孟頫子昂高郵冀彌子敬同觀 日書於義定之西序 大徳庚子二月 八砂档法新

飲定四庫全書

冬三

憐渠未識首陽微 とこりも 英將此眼對蘭亭 豫章先生集有此帖跋云范文正公書伯夷頌極得 雖大賢不免馬志仁伏讀諸名公所題大篇短章於伯 人筆意蓋正書易為俗而小楷難於清勁有精神如斯 辭范筆照千齡扶植綱常似六經日月争光宜下拜 不必以書立名於來世然翰墨乃工如此蓋喜多能 "清風昌黎之偉詞文正公之實墨賢侯歸帖之美 L. Lio 眉山史孝祥站房 范义正亲精编 前

開孫承家之懿藻繪盡矣尚何解之措敬書山谷此改 文正公所以師表百世者固不在書然筆法之妙自足 法度中此跋首述才翁所云於寫伯夷頌亦相関淡因 聯書以歸之竹趣先生晚學清江羅志仁拜手極秋 知用筆實處是其最工想其鉤指回脫時優入古人 沈著極近晉宋人書法往時蘇才翁筆法妙天下不 世人惟稱文正公書與樂教論同法老年觀此書 闕遺又山谷嘗跋公真蹟云范文正公書落筆痛

都成四库全書

諸公書之工批雖或不同而其渾厚端莊則亡以異 馬書此頌時已六十有三距公薨財一年耳而楷法 觀人 一遂盡取成憲而紛更之天 )娩古人故蘇公號稱能書者亦從公求之以為珍玩 五公者坐廟堂邦其有弗人俗其有弗醇者乎世 華不苟如此真可敬而仰哉夫書雖細事而最足 公書如是中之所存可知已同時如文富韓 風急雨其胸中躁擾可以想見一旦當 騒然而風俗亦

此故并識之伸來者有考馬大德原子六月乙己朔陵 亂其正與邪皆莫逃於筆墨之間益信心盡之說不誣 然究其大歸則熙寧以前之書多重厚而少輕浮熙寧 丁嘗從故家盡得宋南渡前墨蹟觀之而竊為之說 後之書多輕浮而少重厚兹蓋世道之所以升降者 於薄矣既後温公復古而國再安章蔡崇新而世遂 應龍敬書成前 頌名公題對甚富二百年間

一 飲定四庫全書

使來守是邦謁公祠下求公之後人以與之侯威德也 **爪幸獲觀馬大徳康子秋七月小子李行再拜謹識** 墨跡傳流大德已亥復歸 知凡幾傅至於買秋壑宋亡北流於燕逸齊李侯時 文正范公細書昌黎公伯夷頌石刻在建業玉麟堂 **小姑蘇理海舟之獄范氏之族長竹趣先生出** 實藏文府大德戊戌侯自兩淮都轉 己之正真的 於范氏庚子歲九月過吳

墨為網為紀去珠斯遠良王不煅有物護持復歸 庶幾實之有水千祀 世之師維孤竹氏六經之文維子韓子不有斯文熟 **从城維高平公高山仰止索書** 論至夫子而定或謂得夫子而名益彰二子求 附青雲之見遠矣 彰與否不暇為身後計也退之之頌賢於 質餘抗威彪先生林 按文正公在青社皇祐三年 銛鋒羲獻是似匪翰

欽定四庫全書

灑高潔語出意表視夷齊異世同調所恨者公方向用 任去富鄭公淮西晏元獻京兆諸賢在外詞翰往返蕭 生特立獨行之志夷險一節老且死不變而見於心書 劇也時文路公罷相知許昌杜和公為賈昌朝所抑致 即世矣後三年文富並相使公而無死天章 如此與守桐廬日祠嚴子陵祠同意清風凜乎其相 豈有熙寧之禍哉蔡忠惠治平二年五月之題謂 715 記文正 集補編 一疏盡

月書此未幾以病請汝陰明年五月薨於徐其平

給事以讒出守杭故云爾意謂公屢遭嬪沮蓋夷齊其 書皆謗毀艱難者讀之益以自信是年忠患為三司便 行而已豈自必於夷齊哉自必於夷齊亦未免有所利 行而世或有非之者遂借此以自見然公知有直道而 君子之澤通子盈虛之運幽明之故正不偶然也片紙 檜若似道亦 發其間使人 而為之矣天荒地老崑王不燼宛其復歸與義田並傳 百年承平碩輔姓字敏敏 、指畫睡罵然則士不以夷齊 如日月見之東社盤辟岩

好点四库全書

我真定董童即出 夷齊哉大徳庚子日長至長樂郭閏拜手謹書媽的 自属其不為文正公之罪人 决定四車全書 一 流傳是齊濟南王文羽保定孫果同觀時皇慶二年成 伯夷之行邑黎頌之文正書之真三絶也子孫其實之 郡王簡漢東孟淳同觀大徳乙已夏五十日年故 正范公手澤獲見於二百六十三年之後扶植網常 范文正集補編 者幾希雖然亦豈願其為

翰墨嘗託文章傅文章益重節義全使無節義照今古 在癸丑暮春大名王充宗識吳縣尹王 吏部雄文破鬼膽為渠唤醒西山夢范公相望餘千齡 再拜其作文翰想奸臣襲藏猶畏仰面無生色此流額 珠還擅復子孫賢我信斯文天未喪住辭善書常有餘 八章翰墨空嬋娟特立獨行不顧衆萬世標準權亦用 字千金價無讓虹光夜徹星斗上夷清韓頌高平書 物自與鬼變并黃素細書伯夷頌白頭不草太玄經 即推官孫於 常郡侯

大足口目 15 至今見者極之公所書伯夷頌流入秦檜賈似道家繇 鳴呼節義不可一日無 **耶苟不知觀感與起之做求公之心希公之德徒珍玩** 重者有在也熙寧以來見者必者姓名豈欲託以不朽 賈遂沒入官宋亡出於燕趙間復歸吳范氏世所共貴 胡助再拜謹書始恩 先正范公文武忠孝親親仁民之徳充周穹壤是以尺 索寸楮觀者飲在墨妙曹操王敦桓温未嘗書不住也 范文正集稍編 致和元年中秋日金華後學

文正公以實元元年赴潤道謁狄梁公廟為之作記立 知之千載而下其亦有似之者乎嗚呼希矣至順壬申 金好口 又十三年皇祐三年鎮青社用黄素小楷書伯夷 五月究平曹鐵拜手謹書大常 誇亦春買耳不幾於狎大人子凡我同志相與勉馬 下惟文正范公有以似之文正之心惟朱文公為能 尚友以其類也伯夷之心惟孔子為能知之千 丙寅七月十九日天台後學楊敬徳書件世

たこりも 風熙寧以後名公題識具存誠實玩也按公書此頌遺 唐韓子伯夷頌真蹟筆 意精嚴動合法度有晉人之 心矣所謂百世以俟聖人而不惑者兹非其徵乎東陽 心宋推誠保德功臣贈太師中書今魏國范文正公書 清風梁公之大節竊深慕馬攬公之迹可以諒公之 外服知其道之其可行也將以仰晞古人而於伯夷 蘇才翁蓋去公薨半歳耳於是公屢以言事忤古出 范文正集补编

あ方四库全書 竊嘗謂時有代謝世有威衰至於天理民雞則越萬 北方李侯戡得之京師來守吳實魏公之鄉因謁 子遂為數 以其書歸其後之人今藏於范氏義莊子孫世守 不可泯者必有人馬王侯之貴晉獎之富死生之 人能以動其心始足與有為也太史公篡史傅思 義維網常 元南渡後歸秦槍氏又歸賈似道氏宋亡 者許由務光之 物稱省遷之志念深矣唐韓 流

蓋公屢以忠謹不容於時遭誣嬪斥守道彌篤所謂不 探其做旨著伯夷頌文正公復得韓子之旨而為之書 **泯者則一而已故觀此書者莫不與起書云乎哉赞曰** 之時雖異至於厲節義維綱常而天理民奏賴之而不 動心以有為者其在斯人數其在斯人數夫聖賢所遭 於的民舞不億而泯肅肅元夫厥德孔純弗移弗屈執 兹元大日離亂争 尤固思皇九有克寧無戰民不可之主我不順既清 此何人斯孤竹之子非其君不事 屯丈王妻诸此

飲定四庫全書 死生弗渝是式是似曠代同心惟予與爾人獲遺書如 非其民不使韓侯作頌郁郁其章魏公書之翼翼其 **我風化尚胙皇國** 頌令集題識仰惟前賢争光日月不敢妄有赞述輒 如璠懷徳不替來歸其孫維魏公孫子永保勿失惇 鄙句奉謝用表慘慘景慕之意云耳獨郡虞集頓 承主奉范君出示先世書詔及文正公手書伯夷 後學柯九思拜手謹書棋

て こう に 遺像能令百世飲竊頌詩書求仿佛默嗟人物轉銷沈 敢以微塵賛喬岳願推餘論砭頑夫 秦賈争藏實嶼污神物護持天愛寶子孫舊喜海還 慶歷元臣細字書清風真與伯夷俱潞韓竝識何春應 仰前賢歲月深阿衡事業伯夷心義田猶是當時於 敬題文正公所書伯夷頌卷尾長沙湯彌昌頓首再 (浪漫矜家世看取天平萬石林 ニト 絕文正集 補 編 1

文正千年士精忠原不亡敷名山嶽重翰墨日星光喬 兩公高志更誰如珠遺舊入權臣案壁返今逢刺史車 領文遙附青雲傅楷法獨推黃素書百世清風元不派 竹身為百世師范公手染退之解不知青社揮慶日 解玉立再拜別 卷寶藏同魏笏虹光清夜燭寒虚 祭天古幽蘭叠砌芳我來拜祠下端欲濯滄浪 似天章論道時 髙

好灾四库全書

麗寒是犀鴻戲秋水李侯信卓榮不惜百金市分符守 息當思繼前軌 黎述玄聖雄文劇頌美偉哉青社書感激有深旨列宿 青青首陽微皎皎孤竹子求仁亦何怨清風干萬祀昌 鐵畫銀鉤黃素帖珠還璧返歲寒堂須知此事闋風教 吳會開緘授雲耳故物傳衛公遺壁歸孔氏一玩三數 子子孫孫盍寶載 吳後學干文傳載拜壽並 权志郡 元統乙亥三月壬寅新安汪澤民再 范文正 作補編

魏國文正范公在宋朝為名臣稱首當時論者或直以 世之君子何其言之詳而卒不見其成功耶若文正范 古之君子之於學也至於成已成物其於天下國家則 頌豈特筆墨之妙其為萬世之慮也深矣後學京兆社 公則所謂能言之而能行之者也觀其所書韓子伯夷 本敬觀品原 功成治定所謂言之必可行也行之必可言也盖物 知至而至於國治天下平者如此非苟以為言而已

级炭四犀全書

星之不可掩山嶽之不可齊與天地相為悠久其窮理 書而書韓子伯夷頌者尤見公切切於綱常世教未曾 功業超然傑出其於書法亦造乎其極者也然公不他 直可與黄庭樂毅等書相頡頏是則魏公非特於徳行 盡性以至於命者與今觀魏國所書伯夷頌筆法森嚴 出處始終大節一合乎道其豐功威德煥乎簡策若日 日而忘也被玩再三令人放在起敬至元三年後丁 范文正集補編

為聖人或方之以變禹是豈泛然而為之言哉觀魏國

孫静翁裝潢而珍襲之求名筆以發其光華信可實見 為益傳故伯夷之節唯知適於義而已初不計後之領 而 趙宋諸賢及有元之材大夫士題咏之不少置其八 首陽高節退之頌之東部文章文正書之時稱為三絶 丑战秋九月望後學台哈巴哈謹書 潔之文不侍文正書之而可傳惟得大正書之則其文 **余宮私竊論之伯夷以特立獨行之節不待退之頌之** 始顧惟得退之頌之則其節為益顯吏部以日光玉 世

|飲灾四庫全書

麗過人如此真趙宋第一流人物也余適以事過異伏 文正以清才茂行為時名臣先哲稱其事業湍邊陸忠 與否也退之之頌深以為亂臣賊子不守名節者之戒 大己可及 A. 義滿朝廷聲名淌天下則字畫乃其餘事然猶莊稍 初不計後之書與否也三者無心會而為一虹光渥彩 領則神駭心悸而不敢肆其惡已為者而觀此書此 則膽落魄喪而無所逃其罪其有功於世教大矣且 如日星之垂天使世之亂臣賊子未為者而觀此書 范文正集補編

文而珍藏之觀此者千載清風俱凛然矣後學永嘉 非母豪傑之士信道為而自知明者也此數語已足盡 得馬戲丘韓與載拜庭玉 伯夷之心文正公親書此頌匪惟知之亦久蹈之觀其 伯夷頌首云士之特立獨行適於義而已不顧人之是 立身大節亦不顧人之是非信道寫而自知明者豈非 豪傑之士哉其裔孫静翁先生恬愉樂道獨能保有斯 ·祠下静翁持成卷示余故欣然書之以俟夫知言者

**動戶四月全書** 

范文正公所書伯夷頌後有秦會之太師賈師憲太傅 たこりる 均逸外藩因得以服日游心於藝事才翁善書而深服 獲敬受實藏馬豈偶然哉蓋自西方兵寢不用公歸而 中兩人不能舉而歸之卒有待於李侯而公之子孫乃 李侯戡得之於燕則宋亡之明年也范氏所居近在吳 公楷法之妙求公属乾卦而公以字数多眼力不速故 人圖記宋南渡後此卷必流落江左而當入其家至 <u>}.</u> ₽ 范文正集補編 Í

正月甲子後學黃溍敬觀 為寫此頌卷末第云書法亦要切磋未是處無惜賜 宋范文正公書唐韓文公殷伯夷頌想其清風勁節德 萬世綱常計至哉言乎不客復賛一 而已後來一二大老又推廣其說謂公書此實為天下 風長共義莊田 稱頌伯夷賢黃素真書慶歷年月照明珠還合浦 至正甲申六月辛未燕山呼勒圖 一解也至正七年

都定四库全書

之靈在天天佑其忠俾公之手澤不泯於世是知公之 之表秦貫二公猶加企敬而珍藏之度其心寧無所愧 間令人毛髮球立宋朝十相景仰之忧藹然見於言辭 中原歸之范氏子孫可謂劍出豐城珠還合浦李侯其 亦仁人之心與展玩之頃頓覺忠義之氣凜然在天地 行文章真布世之三絕也元初平江太守李侯戡得之 大明兵至義莊祠宇俱為灰燼此卷同罹此患觀必不 大宗孫廷珍十世孫天倪復觀之於軍岩中嗚呼公 范文正係補編

钦定四軍全書 ~

之清者也後世孰加馬公書其頌所以寓做者深矣別 盖所書者非他文乃韓吏部伯夷頌伯夷特立獨行聖 孫天倪持公手澤一軸示予盥手拜閱且美且懷何也 墨罕獲見馬癸未秋予督的至東吳憩公書院其十代 文正公文章政事載諸簡册者獨當觀誦感仰至於遺 景星鳳皇快平生之心目也河東後學王難拜書 公之書法道勁嚴整妙絕前代而予也敢不起敬起慕 遺澤未文也雖生二百載後而復觀覽猶天青白日觀 次足刀軍公与 得而珍惜之十一世孫主奉元理出以相示余生也晚 節世未必盡知之當時公之書與蘇才翁范氏子孫復 其名天下重之不特文章翰墨也而學問淵源立朝大 永樂癸未仲秋資善大夫户部尚書夏原吉拜手書於 姑蘇丈正書院 右魏國文正公書韓昌黎伯夷頌一通筆意精妙清古 一种雖種王顏柳不過也余聞書藝也君子貴之藝之 也况大賢之手澤傳於後與世俱存公之在盛宋而 范文正集 補編

是耶巡按劉同年華文正祠堂偕余往觀馬項見主奉 **瀚奉政大夫户部郎中零陵劉良拜手謹書** 尚其節義之清書之者亦尚其節義之清書之以遺蘇 恭想遺墨庸然起敬悚然在下凜然如公之在前也其 也曾幾何年復歸范氏非世有賢子孫惡能珍藏之者 才翁豈惟欲尚書法之古亦欲其尚節義之清也是書 真有感發也夫其真有與起也夫時宣德戊申仲春上 伯夷聖之清者也韓昌黎頌之范文正書之頌之者固

あり口屋と言

とこううとい 亜部 訂宋之名臣謂范希文質性氣局可此伊尹當有 警懼乎時成化甲辰二月朔旦天台楊澤書 拜觀是卷以韓富諸公之詞翰以春贯二人之圖書 亦留芳於千古不磨者乎成化辛丑秋八月八日句曲 岐嶷不凡而知范氏又將有與者矣然則公之遺墨不 規能善言厥祖不謂之賢矣乎且見其二子其幼者 仁敬題 惡而勘戒具馬有志者得不稟然而敬慕惕然而 范文正集補編

部立四月全書 廣庭端拜一 周景同凡蘇州府同知周晃拜觀 明成化甲辰九月蘭亭司馬里書於鶴山書院 弘治元年夏四月廿四日掌宗人府事駙馬都尉相人 年遺廟託姑蘇淺夫敢獨先憂號盛德還徵後樂圖 國随儒空仰止海峯高絕倚雲孤力 知里者信斯言矣兹拜觀所書伯夷頌因用識此大 家園脚步春風皎日英標在眼中銀杏十圍家廟古 塵無門外清谿點緑無三代偉人生慶思

謹志 西望天平萬笏林凛然生氣到於今名文有託幽光顯 弘治六年咸次癸丑春二月廿七日新安後學程敏政 風敬賦二律寫貼公世孫從規用致鄉仰之萬一云時 却走畫廊看翠码朱紋三歎憶歐公右 王梗千顷義莊豐身當文正無雙士手授中庸第一功 餘事能傅楷法深義士若微真接跡高賢雖有英論心 /吳門伏謁文正祠下得閱忠宣恭獻諸遺像緬想髙 Ĺ 地工正 康 尚海 走奉詔北上 Ē

書韓子伯夷頌宋元以來題詠甚多然奸檜亦原其問 **咸寒堂裏千年物敢作尋常翰墨臨** 子孫豈偶然哉豈偶然哉今其嗣孫從規持以示予且 此卷今再從公裔孫從規主奉借觀焚香再拜謹題其 後鄉學生吳寬 ,宋范文正公書,唐韓文公伯夷頌以貽西京轉運使 ·韓范不時有此心誰與論之句是可笑也舊曹獲觀 舜元蘇之後不知何代失之而畢竟歸於文正公之 先正范魏公楷

舒定四犀全書

乎噫先天下之憂而憂後天下之樂而樂安得復見斯 春二月之吉後學淳安徐貫謹識 **檜與似道乃宋之賊臣公視之宜不啻犬彘其墨蹟皇** 可厠於其間當削去勿為此卷之汙大明宏治己卯歲 紙隻字流落人間者雖三尺之童皆知實之况其子孫 也道德功業娘娘炳炳當以三代以上人物論之其片 請題古今人題咏多矣予何容贅嗟夫文正公宋名臣 人也那高山仰止景行行止又當於書法之外求之若

PARTON LIES

范文正集補編

冰王堂 於予觀其書而究其心誦其文而論其世千載之下流 之無間善惡豈真所謂柳骨顏筋而作祖書法耶柳惟 此卷首乃宋魏國范文正公遺墨也後世珍襲或咏歎 了已來按吳謁公祠而主奉汝攀出此卷徵題遂忘其 猶襲人襟懷范氏子姓其永實之勿替賤子以弘治 陋而贅此於未簡云長至日古聞王則書於蘇臺之 人而已矣况其所書又韓昌黎之文頌伯夷之清哉

好好四月全書

|之頌文正范公又達衆自是特為之書今考韓公入淮 諭當時蓋不得已而故世之大 權耳後世以争戰定天 以為變二子之論幾滅此昌黎韓公又違衆自是特為 矣世降戰國生民堂炭已極孟軻氏始以仁義之師 下往往援以自濟遂至篡竊相仍衆亦視以為常不復 百國精兵可以滅商家六百年社稷而不可滅二子 植綱常達衆自是之論觀吾夫子謂武未盡善可見 范文正 集 補組

君臣大經猶天高地下非可以人力移易者是以武王

文正公筆蹟之重重人也觀者輒有題跋以識景仰之 朽是又欲附美於公者也嗚呼附公之美謂可止於斯 世守若大訓然得之復失失之復得若有以冥護之者 子不止於領與書也二公既遠領與書存范氏子孫 得而閱之如商與周門大為奇遇輒有題識用從不 正徳七年壬申三月朔旦賜進士吳縣知縣山陰胡

郊穴四周全建

蔡范公在西夏君臣之義死生以之是二公者附美於

昌書 東髮好徳之心無間於忠佞矣嗚呼韓范之不同時於 私且欲託名於不朽耳槍何人斯亦有詠馬斯亦可見 此卷使無重汚哉嘉靖七年乙酉季冬髙安鶴坡朱 異議 廟祀之禮以阿世得無似耶范氏之象賢者其韜 榜亦幸 丹使不幸而同馬 柳 豈為 槍所容哉 槍為此言 將樂天下後世而欺之矣愚欲其子孫割去之使無 此卷可也雖然若槍者世亦有之毀程朱之道以立 范文正保補編

范公干載一人豪小楷精分類上毛真蹟至今傳不朽 **昌黎辭爾雅文正字精深峻節清風頌高山流水音聲** 商雞周鼎可能如却公爾 省陽特立古今無韓頌還兼 范老書三絕世間真罕 鳳梧以巡撫之服謁范文正公書院捧閱公手書伯 山北斗拉争高站次文 夷項真蹟肅然起敬因奉次宋諸名公題韻以致景 仰之私云

私定四库全書

應有思神為拱護雲仍百世尚冠紳力次社 東垣望重此名臣青編已載聲華舊黃素猶傳手澤新 華尊北斗詞翰重南金干載神交地先慶後樂心步 范文正手書伯夷領端雅有好致第不能作開天章即 延慶風骨耳書家者流以為得樂毅論遺意吾不識樂 戊春三月中旬後學廬陵陳鳳梧謹書於鶴山書院 青天白日仰希文自是先朝第一人西賊膽寒真大將 /: ±1 范文正集補編 嘉靖氏

高山仰止之威乃至秦繆配欲與韓范論心為之失生 為其詩歌題識其間極多名筆不依獲一寓目馬不勝 管者皆得之以歸於范氏之子孫一時諸公高其誰争 殺論未敢附和然伯夷聖清與昌黎高平皆斯道梗梓 老手尤可寶愛别一卷皆元人跋盖元有平江路李總 正相伯仲純仁昆玉不春象賢而君謨才翁輩甘臨池 庚午春日鄉後學王世貞頓首書 不應於翰墨中論輕重也跋內文富晏杜四名相與文

好定四库全書

先正文公手書伯夷頌自李總管戡歸吾范氏迄今將 甘棠勿剪之顧云耳為范氏後者時時念文正之手澤 此帖與忠宣公告身跋之月餘而其後人主奉者不能 公家有哉庚辰初夏世貞又題 歸主奉且不取價嗟夫余豈敢以百金市義名顧滿吾 贖不得今年初夏悉理散帙分授兒輩因舉此二卷以 守作余質犀中物者十年矣余聞之數責其以原價取 他人者遠則念伯夷近則念李總管庶幾其常為魏

歸或因而貸有之則又為大理君之罪人矣吾不能保 馬倘後有不肖子孫仍以質人請其人勿與質質而如 能 無罪因識數語卷尾以歸掌守者併示後人世實藏 事夫當吾世而為不肖子孫所質且久而不知其事何 無是心乎萬歷庚辰六月十六世孫南京太僕寺鄉致 後之子孫而所可信者好徳尚義如大理君士君子孰 王大理之捐强以還無益也即子孫不能贖而竟留不 三百年而復得王大理世貞不索質鋸而歸之誠是義

飲定四庫全書

卷三年種

ŧ

戒真范氏世寶也後人弗能守并忠宣告身質拿州庫 賜忠宣御詩洛拾遺手諸播紳謂可同裝丞相失印事 庚戌不传叨貳 雲間其主奉者不戒二卷并元祐間所 銀後捐以歸與范與李總管先後! 名賢擅臨池者即秦繆醜論心一 澒 曩時於弇州王先生所獲覩先賢范文正公手書伯夷 字畫楷秀令人肅然起高山之仰卷後題跋甚富多 謹識時年七十有 語不妨拉存以備勸 一轍稱威徳事萬歷

出理竟以急追得之乃知緩急隨宜顧用之何如耳為 緩得此卷無論用不用人人共珍緩將流匿旁邑無復 處分處投水火不住竊計印以用用訖無所復用故可 先生曽為吾鄉守遺澤在人甘菜猶思矧惟奕世也百 鄉看氓得觀手澤馆然先世之感何如明後學彭而 洲雖復凌墟而過化贔屬之石此此矣五六百年間 說其李總管王弇州復遇也用東朱軟謹識 諸卷末授公十八世孫必溶什襲藏之母再落他人

欽定四庫全書

范文正 集褐編

|遭蹟尤易消毁其獲存於世者皆神物也然世存之而 とこうとと 孫安柱者備觀於其鳳來堂并諸名公手跋洞心刮目 則惟范文正公之後而己文正德業文章為有宋以來 **未有子孫世守之者其世存之而即為子孫世守之者** 述觀於姑蘇廿世孫之安柱鳳來堂 應接不服內有伯夷頌卷書獨精楷當時春貫二賊皆 世有兵火而古物之遭其劫者不獨名人遺蹟而名 (書法其小技也而為世所寶愛余從公二十世 范文正集滿編 Ī

惡古來遺蹟不有藏者何以能存造化自不得不有所 而范氏之物還歸於范家截無意余因幸見先賢典型 年來聚散得失不知幾經人手獨見超然劫外至今日 有題識故論者恨之余謂白壁明殊知其實者奚分善 东再官遊吳獲謁范公祠屢矣每瞻拜文正忠宣遺像 斯奇遇矣後學王心一謹題 以該持神物而與其人原不相掩也嗟嗟滄桑遙變 一息宇宙問何物長為人有此之筆墨淋漓六百

彭贞四厚全書

とこうとこけ 真巨觀也秦繆醜題句欲與韓范論心得母類有泚耶 莫及馬虞道園有云仰惟前賢争光日月不敢妄有賛 以書名而此書謹嚴有法度一筆不苟世之善書者或 祠中所藏墨跡九種其一乃文正公楷書伯夷頌貽京 宣界弟不乔象賢君謨才翁及元明諸鉅公一一具在 述良然按跋中文富晏杜四名相實與文正相伯仲忠 西轉運使蘇公舜元者文正公為有宋第一流人固不 廟然起敬今年春從公十九世孫主奉能審得觀 范文正集褐編

與尹師魯二帖一為文正公道服贅一為忠宣公劉子 復失去為雲間貳守朱軟追得復歸祠中今歸然無恙 此卷南渡後歸繆醜又歸 贾似道宋亡流入北方元李 侯戡得之因來守吳樂而歸之范氏義莊明神宗時曾 公四世祖柱國語一為宋哲宗賜恭獻公拜給事中 信有神物可護其間也其餘八種一為唐懿宗賜文正 獻公純禮也一為哲宗賜忠宣公御書一為文正公 **弇州質庫後仍歸范氏不取直未久主奉者不戒** 

統間人 次足四軍全島 當以伯夷頌為第一余承乏此地幸觀鴻寶敬殿不文 甚 夥一為東溪書舎卷東溪為唐以安氏讀書處唐正 承軟於甲戌歲荷家 生即忠宣二十世孫也康熙丙子花朝後二日商丘後 '群於卷末尚有忠宣語未及見今两江制府蘇公先 為忠烈傅芳卷忠烈徽宗賜文正祠額卷中 人因其地隣范祠不知何時歸祠中展閱諸卷定 男至敬書 范文正集補編

感因念先文肅公平生每心憶東吳冀一親到而緣會 聖恩白滇黔 思我父兄徳業事功幾與文正忠宣争光媲美承軟無 祭告之禮又為捐俸葺祠至今賴弗比墜兄之力也因 命閱視太湖暨吳松水利以孟冬抵姑蘇公事既竣因 召總臺綱甫就道又家調制兩江季秋履任金陵即 ·謁祀先祠翌日往天平省視賜廟不勝水木霜露之 偶厥志莫遂先兄忠貞公撫越制聞三過吳門数行

钦定四車全書 零落因請歸署內命工裝潢新之還納祠中附語卷木 以誌歲月且鈴記制義以示鄭重俾子孫葆藏世世勿 **矢主奉能溶出文正諸手澤見示真吾宗世寶也卷帙** 八清康熙成次乙亥清和月穀旦两江制使忠宣房第 母再歸他氏庶先澤籍以長存是所望於吾族之賢 斤恪守先訓不敢遺盖於我列祖父兄之靈斯為幸 立 范文正集稿編

似雖忝竊是土其於祖功宗徳何能增益達末但矢志

清挺世所罕觀又有文富杜晏諸公及忠宣昆仲跃尾 一為巨觀康熙庚辰三月廿有六日舟至中吳擬拜 十代商孫承勲謹題時年五十有五 正公忠貞貫日月事功炳史册其正書伯夷頌筆 下天雨未果晚過芝蘭堂請觀墨本展閱再四想見 後學無文何敢多述謹附名卷末誠為厚幸錢塘高 '丰神其源流賛頌宋元以來衆君子言之詳矣士

既喜而且凛然也熙寧壬子孟夏丙寅陵陽守居平雲 希道比部借示文正詞筆觀之若侍其人之左右令 閣題石室文同與可 **竊觀文正公道服賛文醇筆勁既美且箴以盡明幹之** 與校在家應接及慰故人之思是日同觀者顧上 芝蘭堂為余同年友秋壽讀書處其叔子能濂孫 合松暨 余從子不審并記之 跋文正公手書道服賛墨蹟 他文正集開始

義有以見高陽公之徳矣傅曰不知其人 范文正公當時文武第一 **熈寧壬子年十一月甲子吳興戴蒙正仲題** 木害不想見風采何名他之重使人爱慕如此其深也 未易言也黄庭堅書 家藏之世以為 寳至其小楷筆精而瘦勁自得古法 觀大正公之詞翰淳重清勁如其為人 如着龜而吉山成敗不可變更也故片紙隻守士大 人至今文經武畧衣被諸 (視其友諒哉

**欽定四庫全書** 

相堯夫布食銘實權與於此做然是替不載文正集中 **勁至今觀之悚然增敬所謂寵為辱主驕為禍府重此** 文正公為同年友許書記作道服賛言皆至理書特清 文正道服替忠宣布 象銘家乘揆-徳名言符六經 如師畏彼如虎是又美不忘規益可玩味乃知異時及 耶因級廿字以寓景行之意云 公之文之遺者有矣抑亦盛年之作而或失於編次 川吳立禮題 范文正集補編

祖 至正癸未春正月廿日金華胡助書 翔或處烈士忠臣兼文 所賓重云 觀遺墨端嚴濟 口口学為府 **你復何言敢僭用公韻敬作遺墨贅欲范氏後裔** 正公道服養其書有法而詞有氣前人 化辛丑八月八日句曲戴仁題 石抉怒犯章成繡虎百世彌 (兼武畫見諸形日心為主詞於 骨顏筋微公孰與龜文 植 題跋盡之 人龍麟或

銀定匹庫全書

卷三

火モコートない 毛公孺初捐俸梓藏松之郡閣天下士大夫得都范氏 范必浴秀才出文正忠宣宗板集示余余請之郡司理 然文正公豈率易為人下筆者哉此賛今藏范氏義莊替 萬歷已酉夏漢陽守華亭孫克弘獲觀 後又有文與可諸賢践語亦不可得者也延陵吳寬謹 不可考許公為此其意蕭然物外必非不減之服也不 右范文正公為同年許書記作道服賛真跡道服之制 范文正集補編

恒文學士恪拜觀於文正公十八世孫主奉必謨家支 崇禎十有七年春二月十日威王替陳宗之同張米拜 金月四月五十 **两戌中秋十九日王心** 崇禎二年已已春正太常卿長水姚士慎同弟進士士 展於鳳來堂 家言至是必溶重裝道服赞真蹟能護世寶如護頭 不愧義澤子孫矣是可重也陳繼孺謹題 山之暉發堂 拜觀於文正二十世孫安柱

見其人矣湯彌昌敬題 とこうるとう 在文正公間子弟過省答友人書若固有之視利達為 即 六日雨中觀二十世齊孫承勲謹題 1最勁者措笏乘裳徳容如可想見康熙甲戌歳清和 楮逾二百載魏公手筆如新語不繁而意足可以想 魏國所書道服養結構謹嚴有龍跳虎卧之勢筆力 公柱之鳳來堂 跋文正公與蔡欽聖手啓墨蹟 范文正集楊編 早

南京四月五書 日語覽者黙識於辭意之表亦足以感發矣天台楊敬 必有據哉東陽後學柳貫書 年由鄧州求守杭明年三月十一 放進士時也欽聖不著姓今亦莫可考而籤題蔡欽 行次許下答欽聖帖中云示及省榜兒子與謝家兄 拜觀謹識時至順士中人日 俱遇省兒子即忠宣忠宣皇祐元年進士公以慶歷 如哉與常人 (外飾逃避之解中 懷僥倖之意不可同 日次許得書正南

五月後學茶陵李祁謹題 之也使子孫之來者皆如先生之用心馬則公之遺澤 王人咸知爱重而况公之子孫孫子哉是宜先生之實 聯藏之以為家實嗟乎公之翰墨留天地問如精金美 帖凡若干卷今又得許下帖讀之富哉范氏之藏也静 祁留具郡城中每從范静翁先生閱其家藏文正公手 將百世不泯矣盍相與懋戒之至正十年歲在庚寅夏 翁先生力承宗緒至老彌篤凡遇其先公片紙隻字即

飲定四庫全書 范 兄弟蓋二公愛君愛國道合志同其相與之厚自應爾 上書願得俱貶監郢州酒稅此一卷帙情義諄諄不啻 方范文正因與召文情争論上前貶饒州時尹舎人 自均過鄧託范公以死時問 訊之書與聚云云之戒 淳熙乙己清明日梁谿尤表敬觀 見也賢者因厄至此人 公二帖皆是師魯詢漢東時書後一帖却當在前或 跋文正公與尹師魯手於墨蹟 到於今傷之截之深固之密

師會自均州與疾至南陽託范公以死蓋平日之相與 住客千山得得來主人雙眼為張開逢人英說當時事 南陽時也范戒尹 泊南亭把 如此四明 樓鑰書紹熙三年十月晦 三月廿 日廬陵楊萬里敬書 不杯 以不須與衆云云此意最深淳熙戊 右第二 包文正集簡編 一紙當是尹自均來訪范於

朽名不滅歐公銘文盡之矣淳熙丙午四月洪邁

飲定四庫全書 字作二字耳覧者當能辨之元統乙亥春三月壬寅新 古誼百世之下尚可想見視他帖尤當珍愛學士大夫 静翁近又收得此二帖乃文正公與尹師魯書也交情 陽胡助謹書 觀洪楊二公践語可知也後人不見此帖乃改跋中: 願見而不可得者况尤樓洪揚四公之題識亦豈復 得哉賢子孫永宜實之至順四年五月五日後學事 公與尹舎人往還書 卷當有與眾云云帖而逸之

兼師友乞從降點亦坐眼崇信軍節度掌書記監即州 監筠州酒税而太子中允館閣校勘尹洙又言范来義 書丞集賢校理余靖言加罪言者非太平之政坐落職 景祐二年公上論遷都事與己文靖異議點知饒州 安後學汪澤民謹書 和方送上見朋友有救即通財之義而惟君子樂道為 [税此二帖皆尹公在郢時所遣問若曰日給外月月 横實家家如之至於收檢仍酒候送鄧融合花蛇散 范文正集補編

他 與眾云云之戒令帖中乃無此語然以動止休住 伯臨川王和之孫好古博物為中與第一微文公與 貧且安也等言證之則非疾矣恐此战非此帖也前 洪二公跋語以第二帖是自均來南陽時且有不須 以存及託公則公於尹公可謂生死不易其諒矣然 灰善集中載其書問可考也田元均諱况蓋諡宣簡 銜縫有王厚之順伯陰文十六字印知為順伯所

欽定四庫全書

能盡之也其後公鎮都尹公再段監均州酒稅舁疾來

シュノロシ 已及觀文正點知饒州師魯請同降點其臣節友誼又 考之師魯以静退為樂以古文矯俗其行高學古可知 句曲戴仁敬題 而友之若兄弟也噫觀文正遺翰留芳千 云東陽後學柳貫謹識 名得與同症不朽亦何幸哉成化辛丑秋八 師魯何如人而克致范文正公之敬爱若是耶余當 知已宜其為文正之所敬爱帖簡往還契之若金蘭 . L.O 范文正保補編 四十四 一日師魯 月

師魯貧公語以樂道惟樂道則貧安此絕難問恒人 者其 患難交且屬生死其密劄一言近勢利否及投贈僅邠 宋威時有西夏之擾 范公與尹師魯合謀戮力以抗 得曰先天下之樂而樂矣公生平極辨朋黨與師魯 .得甚深蓋以道義事功為友者也此二帖公與師魯 其後世之威衰亦可知矣鄉後學吳寬謹書 見此真跡哉然二帖不藏於尹氏顧歸於文正子孫 帖已刻於文正尺贖中寬當閱之何幸今日復 则

多好四库全書

與威子王替陳子宗之商語也 酒 有七年春二月十日鄉後學張采敬冰手 四瓶花蛇散岩此誠安得有黨觀者念之 t E 1

范文正集補編卷三			<b>敏定四庫全書</b>
R E			# = 1 g q
·			: